

說文解字義證

說文解字第九 義證第二十八

曲阜桂馥學

山 宣也宣氣散生萬物有石而高象形凡山之屬皆從

山 所切

宣也者廣雅同山宣聲相近徐鍇通論山所以鎮地出雲
雨以宣地氣故曰山宣也昭元年左傳宣汾洧注云宣猶
通也傳又云節宣其氣注云宣散也春秋說題辭一歲三
十六雨天地之氣宣晉書天地之有四瀆所以宣洩其氣
馥謂山澤通氣是也公羊傳山川有能潤千里者天子
秩而祭之注云此皆助天宣氣布功故祭天及之春秋說
題辭陰含陽故石疑為山之為言宣也含澤布氣謂五
行也 宣氣散生萬物者釋名山產也產生物也韋昭國
語注山河所以宣地氣而出財用詩天作高山傳云作生
也天生萬物於高山箋云天生此高山使興雲雨以利萬
物孔叢子論書篇仁者何樂於山孔子曰夫山草木植焉
子張曰高則何樂爾孔子曰夫山草木植焉鳥獸蕃焉財
兌文解字義證 卷之二十八 一 連筠篳叢書

靈石楊氏采

用出焉興吐風雲以通乎天地之閒陰陽和合雨露之澤萬物以成百姓咸饗此仁者之所以樂乎山也 有石而高者廣雅土高有石山山產也鄭注周禮司徒云積石曰山詩小弁莫高匪山管子形勢篇山者物之高者也說苑山固以石為身春秋說題辭周易艮為山為小石石陰中之故觸石而出春秋說題辭周易艮為山為小石石陰中之陽陽中之陰陰精輔陽故山含石石之為言託也託立法也易乾坤鑿度山外陽內陰聖人以山含元氣積陽之氣成石可感天雨降石潤然山澤通元氣



東岱南嶽西嶽北恆中泰室王者之所以巡狩所至

從山獄磬 五角切

詩崧高維嶽傳云嶽四嶽也東嶽岱南嶽衡西嶽華北嶽恆正義云經典羣書多云五岳此傳惟言四岳者以堯之建官而立四伯主四時四方之岳而已不主中岳故堯典每云咨四岳而不言五也 周禮大宗伯以血祭祭社稷五祀五嶽注云五嶽東曰岱宗南曰衡山西曰華山北曰恆山中曰嵩高山又大司樂凡日月食四鎮五嶽崩注云四鎮山之重大

者謂揚州之會稽青州之沂山幽州之醫無閭冀州之霍山
五嶽岱在兗州衡在荊州華在豫州嶽在雍州恆在并州
案職方氏九州山鎮有嶽山無嶽高爾雅釋山首列五山河
南華河西嶽河東岱河北恆江南衡與鄭所稱五嶽同鄭志
云周都豐鎬故以吳岳爲西岳周家定以岳山爲西岳不數
嶽高此鄭氏與古合者也風俗通義東方泰山詩云泰山
巖巖魯邦所瞻望曰岱宗岱者長也萬物之始陰陽交代雲
觸石而出膚寸而合不崇朝而徧雨天下其惟泰山乎故爲
五嶽之長南方衡山一名霍霍者萬物盛長垂枝布葉霍然
而大西方華山華者華也萬物滋然變華於西方也北方恆
山恆者常也萬物伏藏於北方有常也中央曰嵩高嵩者高
也詩云嵩高惟嶽峻極於天昭四年左傳四嶽三塗杜注
東嶽岱西嶽華南嶽衡北嶽恆正義云釋山云河南華河東
岱河北恆江南衡南嶽衡北嶽恆正義云釋山云河南華河東
北嶽恆山也衡南嶽衡山也釋例土地名云東嶽泰山奉高
縣泰山也南嶽長沙湘南縣衡山也西嶽宏農華陰縣西南
華山也北嶽中山曲陽縣西北恆山也郭璞注恆山名常山
避漢文帝諱耳爾雅於釋山發首言此四山明其卽是四嶽
故注者皆以嶽解之且諸書史傳識緯皆以岱衡華恆爲四
嶽四嶽卽是此四山也釋山又云泰山爲東嶽華山爲西嶽

霍山爲南嶽恆山爲北嶽岱衡霍二文不同者此二嶽者皆一山而二名也白虎通云嶽者何嶽之爲言嶽也嶽功也應劭風俗通云嶽嶽也嶽考功德黜陟也然則四方方有一山天子巡狩至其下嶽考諸侯功德而黜陟之故謂之嶽也風俗通又云泰山山之尊者一曰岱宗岱始也宗長也萬物之始陰陽交代故爲五嶽長王者受命恆封禪之衡山一名霍山言萬物霍然大也華變也萬物成變由於西方也恆常也萬物伏北方有常也是解衡之與霍泰之與岱皆一山有二名也張揖云天柱謂之霍山漢書地理志云天柱在廬江潛縣風俗通亦云霍山廟在廬江潛縣如彼所云則霍山在江北而得與江南衡山爲一者本江南衡山一名霍山漢武帝移嶽神於天柱又名天柱爲霍山故漢魏以來衡霍別耳郭璞注爾雅云霍山今廬江潛縣潛水出焉別名天柱山漢武帝以衡山遼曠故移其神於此今其土俗人皆呼之爲南嶽南嶽本白以兩山爲名非從近來也而學者多以霍山不得爲南嶽又云從漢武帝來始乃名之卽如此言謂武帝在爾雅之前乎斯不然也是解衡霍二名之山也書傳多云五岳此傳云四嶽者中嶽嵩高卽太室是也下別言之故此云四嶽也馥案風俗通謂衡霍一山二名本屬臆說孔氏沿其謬而不知也詩崧高正義云孝經鉤命使云五岳東岳

岱南岳衡西岳華北岳恆中岳崧高是五岳又數崧高之文也故王肅之注尙書服虔之注左傳鄭於大宗伯注皆然春官大司樂云五岳四鎮崩令去樂注云四鎮山之重大者謂揚州之會稽青州之沂山幽州之醫無閭山冀州之霍山五岳岱在兗州衡在荊州華在豫州岳在雍州恆在并州司樂宗伯同是周禮而司樂之注不數崧高者蓋鄭有所案據更見異意也釋山發首云河南華河西岳何東岱河北恆江南衡陳此五山之名不復更言餘山雖不謂此五山爲五岳明有爲岳之理鄭綏此旨以司樂之文連言四鎮五岳皆之正九當九州各取一山以充之而夏官職方氏九州皆云其山鎮曰某山每州曰其大者而其文有岳山無崧高爾雅河西岳在五山之例取岳山與岱衡恆華爲五岳之數以其餘四者爲四鎮今司樂職方自相配足見一州之內最大山者其或崩見王者當爲之變容岳山得從五岳之祀故傳會爾雅職方之文以見此意非謂五岳定名取岳山也其正名五岳必取崧高宗伯之注是定解也釁案鉤命決所稱五岳乃漢人之說大司樂注所稱乃周之五岳作崧高詩者雖未指中岳何名其爲岳山無疑孔氏謂必取崧高是定解失之王觀國曰案南嶽耆衡山也而爾雅以霍山爲南嶽者前漢郊祀志曰武帝巡南郡至江陵而東登禮灂之天柱山號曰南兌又詳于奏登

嶽顏師古注曰潯廬江縣也蓋廬江有霍山即天柱山之別
名潯水出焉所謂潯霍者也漢武南巡憚衡山之遠而東至
霍山即祀以爲南嶽爾雅常舉衡山以爲南嶽而反舉霍山
者非古也是以知爾雅非周公之作也胡渭曰爾雅釋山
云江南衡李巡曰南岳衡山也下文又云霍山爲南岳郭璞
曰霍山今在廬江潯縣潯水出焉別名天柱山漢武帝以衡
山遼曠故移其神於此今彼土俗人皆呼之爲南岳南岳本
自以兩山爲名非從近來也而學者多以霍山不得爲南岳
又云漢武帝來始乃名之即如此言謂武帝在爾雅前乎斯
不然矣謂按徐靈期記云衡山爲南岳其來尙矣至於軒輊
乃以潯霍之山爲其副焉故爾雅云霍山爲南岳此蓋本方
氏家言漢武信之遂移衡山之祭於潯霍其實南岳曰衡山
初無二名釋山後一條當是漢人所附益璞據不經之言以
衡山一名霍山自古已然非由漢武所附益璞據不經之言以
崧高維嶽非當時以太室山爲嶽乃詩人借崧來贊美之曰
有崧然而高者維是四嶽之山其山高大上至於天維是至
天之太嶽降其神靈和氣以生甫國之侯及巾國之伯爾雅
撰於三百篇後緣此遂指寶嵩高爲中嶽太史公又出於爾
雅後并補注堯典曰中岳嵩高也是殆忘却禹貢之太岳矣
將堯有二中岳耶漢武登禮太室易曰嵩高中嶽名益顯皆

爲爾雅所誤者或曰然則周竟無中岳乎余曰周仍以唐虞
時霍山爲中岳矣觀職方河內曰冀州山鎮曰霍山可知蓋
自有宇宙便有此山黃帝正名百物蚤已定五嶽之稱禹主
名山山川又從而奠之下訖周秦悉不敢移豈有如武帝以衡
山遠移南嶽之祀於瀟霍山者乎邵君晉涵曰合經傳而
總核之冀州之霍山與秦衡華恆嵩高漢初相傳之五嶽也華嶽秦恆
衡周之五嶽也秦衡華恆嵩高漢初相傳之五嶽也華嶽秦恆
恆嵩高武帝所定之五嶽也知漢以前五嶽無定名則不或
於羣說之膠轕矣丁君杰西嶽峯山廟碑跋四嶽之稱見
虞書毛詩序左傳五嶽之稱見周禮禮記東嶽所任古今無
異辭矣南嶽秦漢之時有二說始皇渡淮水先之衡山南郡
後浮江至湘山祠項羽立鄱君吳芮爲衡山王都郢孝武帝
登禮潛之天柱山號曰南嶽是也北嶽金元以後亦有二說
金世宗大定間或言今既都燕當別議五嶽名明馬文升胡
來貢屢請改祠北嶽於渾源州是也西嶽中嶽異說滋多甚
或一篇之文一人之書一書之注而前後不同大都以嵩高
太華吳嶽太岳四山爲進退爾雅釋山既云河南華河西嶽
別言山大而高崧則五嶽無嵩高矣又云崧山爲西嶽嵩高
爲中嶽豈不數河兩之嶽與史記帝堯本紀述舜事曰五月
南巡狩八月西巡狩十一月北巡狩皆如初則唐虞無中嶽

矣封禪書釋尙書巡狩四嶽之名增其文曰中嶽嵩高也又
云昔三代之君皆在河洛之間故嵩高爲中嶽公羊傳隱公
八年注引尙書亦曰十有一月朔巡守至於北嶽如西禮還
至嵩如初禮登尙書傳本有二與鄭注書康誥云岐鎬之域
處五嶽之外注周禮大宗伯五嶽云西曰華山中曰嵩高山
則西周畿內無西嶽矣注大司樂又云華在豫州嶽在雍州
雜問志亦云周都豐鎬故以吳嶽爲西嶽將大宗伯五嶽爲
周以前之制與漢魏以來言四嶽者如毛氏詩崧高傳李巡
爾雅注古文尙書舜典傳杜氏左傳昭公四年集解及春秋
釋例言五嶽者如孝經鉤命使尙書虞夏傳水經說苑自虎
通德論說文解字風俗通義服虔左傳解誼王肅尙書注京
相璠春秋土地名郭璞山海經傳於南嶽之名或不同而中
嵩西華無不同者趙宋山齋易氏周禮總義竹莖葉氏禮經
會元秀巖李氏周禮五嶽辨出主康成後說謂周都豐鎬以
太華爲中嶽嶽山爲西嶽而不數嵩高原元初仁山金氏資治
通鑑前編出又就李說推之謂堯都冀州以嶽山爲西嶽太
岳爲中嶽而不數太華近日朱氏鶴齡閻氏若璩胡氏渭生
厭故喜新或同山齋竹莖秀巖或同仁山其說益岐其辨也
亦益力吾謂禹本紀及水經皆云崑崙墟在西北去嵩高五
萬里地之中也穆王之里西土也白瀝水禹之測崑崙也自

嵩高崑崙地之中嵩高中國之中中嶽之名所由來也唐虞
有中嶽而書云咨四嶽國語云肸四嶽國中嶽不建官猶九
州而八伯畿內不置伯也周亦有云四岳者詩序殷巡守而
祀四嶽河海左傳昭公四年司馬戾曰四嶽三塗陽城太室
荆山中南九州之險不得云周無中嶽也禹貢之太岳臧方
爾雅之嶽山非嶽濟之嶽猶五等諸侯之公之伯非公孤之
公牧伯之伯職方渾言山嶺升維之嶽冀之霍以爲嶽揚之
會稽青之沂幽之醫無閭何一非嶽也改河西之嶽爲西嶽
唐肅宗至德二年事周無明文秦漢亦無明文也史記漢書
雖云武帝登禮中嶽太室猶隋文帝開皇十四年唐元宗天
寶十載以霍山爲冀州嶺非漢以前嵩不名嶽隋以前霍不
名嶺也且隋唐二帝既尊禮霍山霍山本爲嶽而降之嶺亦
必無之理也顏氏匡謬正俗歐陽氏集古錄朱氏墨池編趙
氏金石錄洪氏隸釋樊氏漢隸字原無名氏古文苑載漢碑
有永和元年西嶽石闕銘延熹八年西嶽華山廟碑光和二
年西嶽華山亭碑修西嶽廟碑修西嶽廟復民賦碑又有不
知何年西嶽華山堂闕碑銘皆以華爲西嶽此碑爲延熹八
年立文云周禮職方氏河南山嶺曰華謂之西嶽而光和二
年修嶽廟碑文亦云周禮職方氏華謂之西嶽尤可證康成
大司樂注之誤其云唐虞巡狩四嶽皆以四時之中月若不

知有中嶽者然則所見尙書本不同故禮記王制明言五嶽
親三公其敘巡狩亦止四嶽也其辭又云崇冠二州古曰雝
梁與引職方河南豫州之文若相抵牾吾謂唐虞有梁州故
禹貢華陽爲梁周無梁州故職方華山入豫漢兼夏周之制
而改雖曰涼改梁曰益其時州無雝梁之名故尊之曰古山
在華陰縣南縣屬京兆尹後屬宏農郡皆領於司隸山亦不
在涼益之部故歸之古曰雝梁也何以不言豫漢實有豫州
不可云古也何以云遂荒華陽何以云馮於幽岐華山之陽
則梁其陰則雝高祖初封南鄭後都長安故以周之文武爲
比也何以云奄有河朔曰王存元豐九域志云華山四州之
際東北冀東南豫西南梁西北雝十字分之四隅爲四州碑
言河南言河朔言雝梁舉四隅也
東岱南嶽西華北恆中泰室者此漢制也武帝所定之五
嶽也據當時所祠者言之也釋山云泰山爲東嶽華山爲
西嶽霍山爲南嶽恆山爲北嶽嵩高爲中岳此亦漢人所
增益郭景純信爲爾雅原文不知武帝以前無此說也釋
山首云河南華河西嶽河東岱河北恆江南衡此乃周之
五嶽鄭注大司樂五嶽岱在兗州衡在荊州華在豫州岳
在雍州恆在并州是也漢書地理志扶風汧縣吳山在西
古文以爲汧山禹貢導岍及岐職方雝州其山鎮曰嶽山

蓋禹貢本名岍山古文謂之吳山爾雅職方謂之嶽山國語稱虞山卽吳山史記稱吳嶽以其爲西嶽合而稱之也尚書大傳五嶽謂岱山霍山華山恆山嵩山也漢書郊祀志宣帝改元神爵令祠官以禮爲歲事東嶽泰山于博中嶽泰山于嵩高南嶽潯山于潯西嶽華山于華陰北嶽常山于上曲陽說苑五嶽者何謂也泰山東嶽也霍山南嶽也華山西嶽也常山北嶽也嵩高山中嶽也水經禹貢山水澤地嵩高爲中嶽在潁川陽城縣西北泰山爲東嶽在泰山博縣西北霍山爲南嶽在廬江潯縣西南華山爲西嶽在宏農華陰縣西南恆山爲北嶽在中山上曲陽縣西北博物志五嶽華岱恆衡嵩要嵩秦衡華恆謂之五嶽東岱者書舜典歲二月東巡狩至于岱宗五經通義泰山五嶽之長羣神之主詩時邁及河喬嶽傳云喬高也高岳岱宗也白虎通東方爲岱宗者言萬物更相代於東方也南嶽者白虎通南方爲霍山者霍之爲言護也言萬物護也太陽用事護養萬物也廣雅天柱謂之霍山漢志廬江郡潯縣天柱山在南有祠史記封禪書上巡南郡至江陵而東登禮潯之天柱山號曰南岳集解云應劭曰潯縣屬廬江南岳霍山文穎曰天柱山在潯縣南有祠宋書世祖紀霍山是曰南嶽實維國鎮寰宇記壽州六安縣霍山

一名衡山一名天柱山在縣南五里隋開皇九年以江南衡山爲南岳廢霍山爲名山邵君晉書曰史記封禪書云上巡南郡至江陵而東登禮灋之天柱山號曰南嶽太史公意以天柱山本非南嶽武帝強號曰南嶽爾太平御覽引徐靈期南岳記云衡山者五嶽之南嶽也其來尚矣至於軒轅乃以灋霍之山爲副焉故爾雅曰霍山爲南嶽蓋因其副焉至漢武南巡又以衡山遼遠道隔江漢於是乃徙南嶽之祭於廬江灋山亦承軒轅副義也按軒轅以灋霍爲副於古籍無徵此海上怪迂之士妄引黃帝不足爲信漢武所據識緯大率類此矣郭云南岳本自以兩山爲名非從近者郭意以衡霍爲一山也尚書大傳有中祀霍山及與南方霍山之文大傳爲後人哀集不盡可據應劭謂衡一名霍傳會漢制實則衡之與霍自爲兩山通典引三禮義宗云唐虞以衡山爲南嶽周氏以霍山爲南嶽此見爾雅前後異文求其故而不得強爲之詞然未嘗不以衡山霍山爲二山也水經釋禹貢山水澤地云霍山爲南岳在廬江灋縣西南衡山在長沙湘南縣南是亦以霍山衡山爲二山也以爾雅前後覈之釋地所云梁山卽爲衡山此由於聲之轉也釋山上云江南衡下云霍山爲南嶽卽使衡山別名霍山不得一篇之中互舉其名況大霍之

為義由於大山宮小山也今天柱山中峯小而四圍有大
山以宮繞之衡州之衡山則中峯獨高而前後左右諸山
皆在其下按諸雅訓天柱可名之曰霍衡山不得名之曰
霍此可以日驗而知也散案毛晃禹貢指南曰案補山有
二柱冀州者又謂太岳在荊州者又謂天柱山潛水出焉
禹貢既修太原至于岳陽又云並口雷首至于太岳水經
太岳山在河東永安縣南夏官職方氏河內曰冀州其山
鎮曰霍山注云霍山在魏史記趙世家晉伐霍霍公求奔
齊晉大早卜之曰霍太山為祟召霍君於齊復之徐廣曰
霍太山在河東永安縣界宇記霍邑縣霍山一名太岳在
縣東三十里穀謂此皆言冀州之霍山也西華者漢華
山廟碑云周禮職方氏河南山鎮曰華謂之西嶽白虎通
西方為皐山者皐之為言稷也言萬物成熟可得稷也
北恆者白虎通北方為恆山恆者常也萬物伏藏於北方
有常也書禹貢太行恆山舜典十有一月朔巡狩至于北
岳傳云北岳恆山周禮職方正北曰并州其山鎮曰恆山
注云在曲陽管子恆山北臨代南俯趙春秋元命苞崑崙
闕為天街散為冀州分為趙國立為常山注云常山即恆
山也是畢昴之精史記夏本紀常衛既從索隱曰此文改
恆山恆皆作常避漢文帝諱故也漢書地理志常山郡上

曲陽恆山北岳在西北并州山常山圖經北岳恆山在縣西北一百四十里尚書禹貢太行恆山至于碣石有恆水出焉隋圖經大茂山恆山之異名寰宇記定州曲陽縣北岳恆山在縣西北一百四十里中秦室者秦室即嵩高嵩高漢書靈帝紀建寧五年夏四月復崇高山名爲嵩高山注云前書武帝祠中嶽改嵩高爲崇高東觀記曰使中郎將堂谿典請雨因上言改之名爲嵩高山廣雅外方謂之嵩白虎通中央爲嵩山言其後大之也地理志潁川郡嵩高縣武帝置以奉太室山是爲中嶽古文以崇高爲外方山也馥案武帝紀元封元年登禮嵩高置奉邑名曰崇高岸昭曰嵩高有太室少室之山山有石室故名西征記嵩山東曰太室西曰少室相去十七里嵩其總名也謂之室者以其下各有石室焉仙經云嵩高山東南大巖下石孔方圓一丈西方北入五六里有太室高三十餘丈周員三百步自然明燭相見如日月無異郭璞太室山贊嵩維嶽宗華岱恆衡氣通元漠神洞幽明鬼然中立衆山之英昭四年左傳周幽爲太室之盟注云太室中嶽馥案傳又云四嶽三塗陽城太室於四嶽外別言太室是周時不爲嶽矣何休注公羊引尚書四嶽乃云還至嵩如初禮此沿革史記之誤也王者之所以巡狩所至者天子五載一巡

將至其方嶽尙書言四嶽而不及中嶽以非巡狩所至也
至周禮始備五嶽之名舜典歲二月東巡狩至于岱宗五
月南巡狩至于南岳八月西巡狩至于西岳十有一月朔
巡狩至于北岳傳云岱宗泰山爲四岳所宗南岳衡山西
岳華山北岳恆山史記封禪書歲二月東巡狩至于岱宗
岱宗泰山五月巡狩至南嶽南嶽衡山也八月巡狩至西
嶽西嶽華山也十一月巡狩至於北嶽北嶽恆山中嶽嵩
高也覆案舜典不及中嶽疑史記爲人所亂白虎通巡狩
所以四時出何當承宗廟故不踰時也以夏之仲月者同
律度當得其中也二月八月晝夜分五月十一月陰陽終
尙書曰二月東巡狩至于岱宗柴五月南巡狩至于南嶽
八月西巡狩至于西嶽十有一月朔巡狩至于北嶽嶽者
何謂也嶽之爲言煥煥功德隱八年公羊解詁巡猶循也
守猶守也循行守視之辭亦不可闕至人見爲煩擾故至
四嶽足以知四方之政而已詩序殷巡狩而祀四嶽河海
也正義云岳實有五而稱四者天子巡狩遠適四方至於
其方之岳有此祭禮於中岳無事故序不言焉楊慎曰尙
書舜陟方家語作五十載陟方岳左思吳都賦梁岷豈有
陟方之館行宮之基與以陟方
對行宮蓋以爲天子巡狩事也

古文象高形

岱 太山也從山代聲

徒耐切

太山也者廣雅岱宗謂之泰山郭注方言云岱泰山釋地
中有岱岳與其五穀魚鹽生焉釋山河東岱郭云岱宗泰
山書舜典至于岱宗傳云岱宗泰山為四嶽所宗禹貢海
岱惟青州鄭注東嶽口岱山古尚書說岱為山宗周禮職
方氏河東曰兗州其山鎮曰岱山注云岱山在博桓十六
年公羊傳越在岱陰齊何云岱岱宗泰山也僖三十一年
傳觸石而出膚寸而合不崇朝而徧雨乎天下者惟太山
爾郭注東山經云泰山即東岳岱宗也今在泰山奉高縣
西北從山下至頂四十八里三百步也詩含神霧五岳觀
三公岱宗為之長高注淮南地形訓云泰山在泰山郡是
為東嶽史記五帝本紀登丸山及岱宗正義泰山東岳也
在兗州博城縣西北三十里也漢地理志泰山郡博岱山
在西北朶山上馥案職方之山漢志皆為注明岱為五岳
長何獨無注朶山上三字當為兗州山括地志泰山一曰
岱宗東岳也在兗州博城縣西北三十里風俗通岱始也
泰山山之尊者一曰岱宗宗長也萬物之始陰陽交代故



海中往往有山可依止曰島從山島聲讀若詩曰葛

與女蘿都皓切

海中往往有山可依止曰島者初學記海中山曰島釋名
海中可居者曰島島到也人所奔到也書禹貢島夷皮服
傳云海曲謂之島正義云島是海中之山九章算術所云
海島遶絕不可踐量是也史記司馬相如傳正義水中山
曰島陽雄解嘲渤海之島文選吳都賦島嶼綢沓自注云
海中有山曰島謝靈運山居賦島嶼綢沓自注云海洲有
山謂之島嶼括地志百濟國西南渤海中有大島十五所
皆置邑落有人居屬百濟又倭國試皇后改曰日本國在
此之

靈丘楊氏采

百濟南隔海依島而居凡百餘小國隋書倭國在大海之中依山而居史記正義按海州東海縣有崑山去岸八十里通鑑垣崇祖遣羸弱入島注云崑海中山也齊乘沙門居其相臨屬則有龜巖崑率牛島大竹島小竹島歷歷海中蒼秀如畫或作陽漢書田儼傳與其徒屬五百餘人入海居陽中韋昭曰海中山曰陽司馬相如傳卑陵別陽郭璞曰水中山也敘傳伏於海陽又作陽西京賦薛綜本長風激於別陽注云水中之洲曰陽鳥者釋名島亦言鳥也物所赴如鳥之下也

起

山在齊地從山狃聲詩曰遭我于狃之閑兮

奴刀切

山在齊地者詩釋文引無地字齊乘臨淄南十五里狃山字或作嶠廣韻嶠平嶠山名在齊與狃同漢志臨淄名營邱故齊詩曰子之營兮遭我庫嶠之閑兮顏注嶠山名也字或作狃亦作嶠音皆乃高反盧君文弼曰元史有嶠嶠其署名或作狃變珠之本字音乃刀反嶠音亦同今人誤書作夔龍之變讀亦因之而誤馥案嶠嶠字子山觀其表德當以狃為正詩曰遭我于狃之閑兮者齊風還文彼于作乎傳云狃山名崔集注本作嶠水經注引詩誤作狃

嶧

切

葛嶧山在東海下邳從山畢聲夏書曰嶧陽孤桐

益

葛嶧山在東海下邳者釋山屬者嶧文引木書同漢志
東海郡下邳縣葛嶧山在西古文以為嶧陽續漢書郡國
志下邳國下邳葛嶧山本嶧陽山注云山出名桐伏治北
征記曰今繁根往往而存晉書地理志下邳國下邳縣葛
嶧山在西古嶧陽也水經禹貢山水澤地嶧陽山在下邳
縣之西元和郡縣志下邳縣嶧陽山在縣西六里九域志
下邳縣有嶧陽山袁宇記嶧陽山在下邳縣西六里西征
記下邳城西五里有葛嶧山禹貢所謂嶧陽山也魏案自
唐以後多誤為鄒嶧山通典引禹貢所謂嶧陽孤桐注云嶧山
在今魯郡鄒縣也鄒山記鄒山古之嶧山言絡繹相連屬
也今猶多桐樹封氏間見記兗州鄒縣山其處生梧桐傳
以為禹貢嶧陽孤桐者也土人云此桐所以異於常桐者
諸山皆發地兼土惟此山大石攢倚石閉周回皆通人行
山中空虛故桐木絕響以是珍而入貢也按漢書地理志
下邳縣西有葛嶧山古之嶧陽下邳也郭緣生述征記云
嶧山在下邳西北多生梧桐則禹貢嶧陽下邳者是也胡
兗之降戶能登

渭曰林少穎云禹貢嶧山即詩所謂係有鳧釋渭按漢志
 東海下邳縣葛嶧山在西古文以為嶧陽魯國鄒縣故邾
 國嶧山在北嶧釋古字通今兗州府鄒縣東南有嶧山一
 名邾釋亦曰鄒嶧此即鳧釋之釋左傳邾文公卜遷於釋
 史記秦始皇刻石頌功德者也水經注泗水歷下邳縣逕
 葛嶧山東即奚仲所遷之邳釋元和志謂之嶧陽山邳州
 新志云俗名距山以其與沂水相距也此乃禹貢之嶧陽
 漢志極其分明林氏混而一之大謬夏書曰嶧陽孤桐
 者禹貢徐州文傳云嶧山之陽特生桐中琴瑟正義云地
 理志云東海下邳縣西有葛嶧山即此山也鄭注嶧山今
 在下邳西
 葛嶧山也



封嶧之山在吳楚之閒汪苾之國從山禹磬
 切

封嶧之山在吳楚之閒汪苾之國者本書鄭北方長狄國
 也在夏為防風氏在殷為汪苾氏玉篇嶧山在吳越也通
 典湖州春秋時屬吳吳滅屬越越滅屬楚兼得古之防風
 國焉史記曰汪罔氏之君守封寓之山汪罔氏即防風國
 魯語客曰防風氏何守也仲尼曰汪苾氏之君也守封嶧
 之山者也韋注封封山嶧嶧山在今吳郡永安縣輿地志

岷山古防風氏之都寰宇記湖州武康縣古防風氏之國
防風山在縣東一十八里先名封岷山唐天寶六年敕改
焉

山經

九嶷山舜所葬在零陵營道從山疑聲

語其切

九嶷山舜所葬在零陵營道者大荒南經赤水之東有蒼
梧之野舜與叔均之所葬也注云舜巡狩亦於蒼梧而葬
之墓今在九嶷之中海內經南方蒼梧之邱蒼梧之淵其
中有九嶷山舜之所葬在長沙零陵界中注云山今在零
陵營道縣南其山九嶷皆相似故云九疑古者總名其地
為蒼梧也楚詞九歌九疑續兮並迎注云九疑山名舜所
葬也九懷道幽路兮九疑注云過舜墓也洪興祖補注云
山海經蒼梧山舜葬於陽丹朱葬於陰禮記舜葬於蒼梧
之野如淳曰舜葬九嶷九嶷在蒼梧馮乘縣故或曰舜葬
蒼梧也史記五帝本紀舜葬於江南九疑是為零陵秦始
皇本紀望祀虞舜於九疑山貨殖傳九疑蒼梧以南集解
徐廣曰九疑山在營道縣南漢書武帝紀望祀虞舜於九
疑文穎曰九疑山半在蒼梧半在零陵顏注疑音疑其山
九峯形勢相似故曰九疑山地理志零陵郡營道縣九疑

山在南諸侯王表亘九嶷顏注九嶷山名有九峯在零陵營道續漢書郡國志零陵郡營道南有九嶷山注云舜之所葬論衡實知篇始皇出游至雲夢望祀虞舜於九嶷古文苑九嶷山碑建於虞舜聖德光明太階以平人亦有終遂葬九嶷解體而升崔駰南巡頌願九嶷嘆虞舜之風郭注方言云九嶷山名今在零陵營道縣帝王世紀帝有虞氏崩於鳴條殯以瓦棺葬於蒼梧九嶷山之陽是爲零陵在今營道皇覽舜冢在零陵營浦縣其山九嶷皆相似故曰九嶷水經注湖水云營水西流逕九嶷山下其蟠蒼梧之野峯秀數郡之閒羅巖九嶷各道一溪岫嶺負阻異嶺同勢游者疑焉故曰九嶷山大舜窆其陽商均葬其陰湘中記九嶷山在營道縣北九山相似行者疑惑故名之曰九嶷山又云衡山九嶷皆有舜廟遙望衡山如陳雲沿湘千里九向九背乃不復見溫子昇舜廟碑陟方之駕遂往蒼梧之窆不歸又云疑山永逝湘水長遠謝靈運卞首城詩游湘歷九嶷李善云九嶷山在長沙零陵縣帝所葬也王歆之神境記九嶷山望見舜廟張謂虞帝廟碑九嶷嵯峨湘雲五色通典延唐縣下云漢冷道縣有九嶷山其山九嶷皆相似故名之舜所葬括地志九嶷山在永州唐興縣東南一百里九域志道州寧遠縣有九嶷山營道縣有

營道山元和志道州延唐縣本漢冷道縣地九窠山在縣東南一百里舜所葬也九山形相似見者疑惑故為名舜廟在山下

時

山在蜀渝氏西徼外從山啟聲

武巾切

山在蜀渝氏西徼外者字或作嶠廣雅蜀山謂之嶠山漢書地理志嶠嶠既嶠水經注大江逕汶江道汶出徼外嶠山西玉輪阪下又或作岷禹貢岷嶠既藝岷山導江詩江有沱箋云岷山道江東別為沱釋文岷山名在蜀犍子道篇昔者江出於岷山海內東經岷三江首中山經岷山江水出焉東北流注於海注云岷山今在汶山郡廣陽縣西大江所出馥案此說與漢志本書俱不合廣陽晉所更漢汶江縣名漢書郊祀志瀆山蜀之岷山也顏注岷山在渝氏道水經禹貢山水澤地岷山在蜀郡渝氏道西酈注云漢書以為瀆山者也又注江水云岷山即瀆山也又謂之汶阜山在徼外江水所道也河圖括地象曰岷山之精上為井絡帝以會昌神以建福華陽國志岷山一名沃焦山其附曰羊膊江水所出任豫益州記大江源始發羊膊嶺下括地志岷山在岷州溢洛南一里連縣至蜀二千里

皆名岷山郭璞岷山贊岷山之精上絡東井始出一勺終至嶽渙作紀南夏天清地靜王羲之與謝安書蜀中山川如岷山夏含霜雪攷之前聞崑崙之中也閻若璩曰元和志志汶山縣載岷山而樂史因之蔡沈又因之蔡傳引地志岷山在蜀郡湔氐道西徼外在唐爲松州廣德初陷吐蕃宋也豈不大謬漢湔氐道縣在唐爲松州廣德初陷吐蕃宋亦爲吐蕃地今爲松潘衛在成都府西北七百六十里岷山又在衛西北二百二十里曰大分水嶺江源出焉或曰卽古羊膊嶺云相距五百八十餘里豈一地乎或通作汶管子霸形篇望汶山注云汶晉岷岷山江水所從出魏策昔者三苗之居汶山在其南燕策蜀地之甲輕舟浮於汶乘夏水而下江楚策秦西有巴蜀方船積粟起於汶山循江而下史記夏本紀汶嶓既茲索隱汶一作岷在蜀郡湔氐道西徼外江水所出封禪書自華以西名山七有嶓山蜀之汶山也漢樊毅修西岳廟碑堯命伯禹決江開汶蜀志秦宓曰蜀有汶阜之山江出其腹元和志汶山縣下云按汶山卽岷山也列子湯問篇釋文周禮云貉踰汶則水鄭元云汶水在魯城北先儒相因以爲魯之汶水皆大誤也案史記汶與嶓同武中切謂汶江也非晉問之汶案山海經大江出汶山郭云東南逕蜀郡東北經巴東江夏至

廣陵入海韓詩外傳云昔者江出於汶山其始也足以濫
觴是也又楚詞云隱汶山之清江固可明矣且列子與周
禮通言水土性異則遷移有傷故舉四墳以言之案今魯
之汶水潤不踰數十步源不過二百里揭厲皆渡斯須注
還豈狐貉暫遊生灰頓隔矣楊慎曰史記并駝為汶山郡
司馬溫公類篇曰汶音岷郭中記引禹貢岷嶓既夷及岷
山之陽岷山導江皆作汶蓋古字通用也三國志蜀後主
至瀕登觀坂觀汶水之流王右軍與周益州撫書曰要欲
一遊目汶嶺五代史蜀主王建貶衛尉少卿李綱為汶川
尉徐無黨注汶讀作岷而今汶川縣誤呼作問音蜀語得
齊南魯北之水乎



山也或曰弱水之所出從山几聲

居履切

山也或曰弱水之所出者弱當作溺本書弱水自張掖剛
丹西至酒泉合黎餘波入于流沙此岷山即楚詞之崑崙
十六國春秋謂之蘭門山漢張掖剛丹西南山也廣韻岷
女岷山名弱水所出額案此誤也九域志女岷山在河南
府壽安縣神仙傳葛仙翁於女几山
學仙額謂別是一山非弱水所出

山

截薛山在馮翊池陽從山截聲

才葛切

截薛山在馮翊池陽者池陽今為涇陽縣在西安府北五十里截薛山又在縣北七十里史記司馬相如傳九變截薛集解引漢書音義截薛山在池陽縣北漢志左馮翊池陽縣截薛山在北顏注截薛即今俗呼峩峩山是也揚雄傳祿截薛而為弋顏注截薛即所謂峩峩山也在京師之北晉書地理志扶風郡池陽縣有截薛山晉地道記池陽有截薛山在北郡國縣道記截薛山在雲陽縣東北十里一名慈峨山俗呼嵯峨山頂有雲起即兩里人以為黃帝鑄鼎於此山元和志三原縣本漢池陽縣截薛山在今縣西北六十里字或作峩後漢書馮衍傳防九變而臨峩薛今注云峩薛山一名峩峩在今三原縣北

山

截薛山也從山薛聲

五葛切

山

山在弘農寧陰從山萼省聲

胡化切

通作華廣雅華山謂之太華書武成所遇名山大川傳云名山華岳秦策天下有比志而軍華下高云華山之下又云見

說趙王於華屋之下高云華山名言趙王屋清高似山也易
是類謀西嶽入玉羊鄭注玉羊華山之精郭璞華山贊華嶽
靈峻削成四方爰有神女是挹玉漿其誰游之龍駕雲裳名
山記華岳有三峯直上數千仞基廣而峯峻壘秀迄於嶺表
有如削成今博山

香鑪形實象之

山在弘農華陰者釋山河南華郭云華陰山周禮職方氏
河南曰豫州其山鎮曰華注云華山在弘農華陰縣西南西
傳南及華山注云華山在弘農華陰縣西南西
之山削成而四方其高五千仞其廣十里注云即西岳華
陰山也今在弘農華陰縣西南呂氏春秋慎大覽乃稅馬
於華山高注華山在華陰縣西南呂氏春秋慎大覽乃稅馬
太華今弘農華陰山是為西嶽史記夏本紀終南敦物索
隱云華山古文以為敦物在扶風武功縣東漢書地理志
京兆尹華陰縣太華山在扶風武功縣東漢書地理志
南入里古文以為敦物在扶風武功縣東漢書地理志
里不知幾千仞如半天之雲胡渭曰禹貢華陽黑水惟梁
州正義云周禮職方氏華山在豫州界內此梁州境東據
華山之南不得其山故言陽山之西則雍州境也竊謂職
方九州之山川與禹貢不同雍既有嶽山為鎮故華屬豫

說文解字義證

卷二十八

古

連筠移叢書

今以禹貢之太華為豫州山彼克之鎮曰岱亦將以禹貢之岱為兗州山乎其不可也明矣蓋境上之山非一州所得專青徐共是岱荆豫共是荆而太華則雍梁豫共之華北為雍華南為梁華東為豫豫雖不言西界觀雍梁可見也九域志云華山四州之際東北冀東南豫西南

嶠

山在鴈門從山嶠聲

古博切

山在鴈門者漢志鴈門郡有嶠縣後漢書王霸傳霸及諸將還入鴈門攻盧芳將尹山於嶠注云嶠縣名屬鴈門郡有嶠山焉通鑑魏主敗於嶠山注云嶠山縣即漢晉鴈門之嶠縣魏曰嶠山天平二年分屬繁峙郡隋志雁門嶠縣有嶠山據水經注山在繁峙之西灤水之南

嶠

嶠山在遼西從山易聲一曰嶠鉞嶠谷也

與章切

嶠山在遼西者嶠上脫首字本書凡山之單名者則云山在某處雙名則曰某山在某處此當云首嶠山與鉞嶠山同例玉篇首嶠山在遼西通作陽史記伯夷列傳隱於首陽山集解馬融曰首陽山在河東蒲坂華山之北河曲之

中正義曹大家注幽通賦云夷齊餓於首陽山在龍西首
陽又戴延之西征記洛陽東北首陽山有夷齊祠今在
師縣西北又孟子云夷齊避紂居北海之濱首陽山說文
云首陽山在遼西史傳及諸書夷齊餓於首陽凡五所各
有案據先後不詳一日岵餓餓谷也者木書岵岵夷在
冀州陽谷立春日日出之而出引尚書宅岵夷餓案列子
作岵夷又作岵夷廣韻作岵餓書是典釋文云尚書及帝命
權及史記作岵餓夏本紀岵夷餓索隱云今文尚書及帝命
驗並作岵餓徐鍇曰古文尚書夷作餓古文
鐵金勿夷作餓故與夷相亂後人訛作餓

岵

山有草木也從山古聲詩曰陟彼岵兮

切侯古

山有草木也者釋名山有草木曰岵岵情也人所怙取以
為事用也釋山多草木岵岵詩曰陟彼岵兮者魏風陟岵
文傳云山無草木曰岵與
木音異王肅說詩依爾雅

岵

山無草木也從山已聲詩曰陟彼岵兮

切墟里

詩終南有紀有堂釋
文云紀本亦作岵

虎文解字彙登

連筠錄叢書

山無草木也者釋名山無草木曰配配也無所出生也
或作岐釋山無草木岐釋文云三林字林聲類並云猶配
字音起詩曰陟彼配兮者魏風陟
崱文傳云山有草木曰配與本書異

𡵓

山多大石也從山學省聲

胡角切

山多大石也者字或作嶧釋名山多大石曰嶧嶧學
也大石之形學學然也釋山多大石曰嶧郭云多嶧石

𡵓

山多小石也從山放聲

五交切

山多小石也者字或作礧釋名山多小石曰礧礧亮也每
作放宜十二年左傳晉師在放郕之闕注云放郕二山在
滎陽縣西北晉語范獻子聘於魯問其山放山括地志滎
澤縣西南殷之放地在放山之陽閭若璩曰放
山在河陰縣皇甫謐曰仲丁自亳徙郕即放也

𡵓

石戴土也從山且聲詩曰陟彼岵矣

七余切

石戴土也者字或作岵釋名山戴土曰岵岵臆然也釋山
上戴石為岵郭云土山上有石者與本書異詩曰陟彼

岨矣者周南卷耳文彼作祖傳云石山戴士曰屈陳啓源
曰屈岨實同一字今本詩及爾雅皆作屈說文引詩作屈
爾雅云土戴石爲屈而毛傳反之疏以爲傳寫之誤今案
說文釋名皆與毛同劉許皆漢人時毛學未盛而二書之
釋岨皆合於傳則傳
寫之誤當在爾雅



山晉也從山岡聲

古郎切

山晉也者釋名山晉曰岡岡亢也在上之言也釋山山介
岡郭云謂山長脊晉允征火災岨岡傳云山介曰岡詩卷
耳陽彼高岡傳云山脊曰岡公劉適旣南岡箋云山介曰
岡後漢書周燮傳有仙人草廬結之於岡畔注云山介曰
岡謝靈運山居賦自注山脊曰岡鄧德明南康
記贛縣有馬脊岡其形如馬脊故以爲名也



山今山小而高從山今聲

鉅箴切

山小而高者釋山文郭注言岑岑釋各山小而高曰
岑岑嶺也嶺嶺然也方言岑高也注云岑岑峻見也



山之岑岑也從山金聲

魚金切

山之岑也者岑岑嶺嶺木書般岑也廣雅岑岑高也張

協雜詩周文走岑岑羽獵賦玉石嶺岑李善引李彤單行

字曰岑岑高大兒字或作嶽玉篇嶽下云嶽岑山勢也一

切經音義十三嶽岑謂山阜之勢高倚傾也倍三十三

公羊傳爾卽厥必於般之嶽嚴李翁暉池牌脩嶺嶽之道

後漢書注嶺山一名嶽岑山文選招隱士嶽岑崎嶇今注

云山阜岬岬也海賦沙石之嶽李善曰沙石嶽岑也思元

賦慕歷阪之嶽岑又或作嶽嶽嶽嶽嶽嶽嶽嶽嶽嶽嶽嶽嶽

又通作嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽

之嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽嶽

岑危高也從山卒聲醉緩切

岑危高也者廣雅岑高也釋山末及上翠微郭云近上

陂陂謂翠微岑危聲相近又云山頂冢岑者厓厓郭云謂


峯頭巖巖詩十月山冢岑崩箋云岑者崔嵬後漢書班固

傳嚴峻崔嵬通作卒詩漸漸之石惟其卒矣箋云卒者崔

嵬謂山巔之石也

繇山洛官切山小而銳從山繇聲

山小而銳者埤蒼山小而銳韓詩外傳山銳則不高楚詞七諫登巒山而四望漢書揚雄傳巖邱跳巒顏注山小而銳



山如堂者從山宀聲美畢切

山如堂者廣韻引作山春也釋山山如堂者密郭云形如堂室者尸子曰松栢之屋不知堂密之有美樅詩終南有紀有堂大荒東經有大人之堂注云亦山名形狀如堂室曰後漢書鍾皓傳歸隱密山元和志密縣下云爾雅曰山如堂者密因以為名



山穴也從山由聲似又切

山穴也者本書巖穴也釋山山有穴為岫郭云謂巖穴張協雜詩幽岫峭且深李善云說文曰山有穴曰岫顧謂此引爾雅誤稱說文七啓出山岫之潛穴吳都賦倒岬岫五臣云山有穴曰岫薛注東京賦云山有穴曰岫葉大慶攷古質疑云陶淵明雲無心以出岫嵇中散幽憤詩采薇山阿散髮臨岫亦謂散髮於岩穴之閣耳魏徐幹七喻云

山阿散髮臨岫亦謂散髮於岩穴之閣耳魏徐幹七喻云

概遲乎窮谷之岫陸士衡詩王鮪懷河岫抱朴子載夜光
於嵩岫又云攻美玉不於荆山之岫不得連城之尺璧也
既曰山又曰岫是其意皆如爾雅之言所謂山之穴也
馥案陸詩之河岫言地穴也

𡵓

籀文從穴

𡵓

高也從山陵聲

私閏切

高也者小爾雅廣詁峻高也通作駿詩駿極于天孔子問
居作峻詩駿命不易大學作峻又通作陵史記司馬相如
傳經陵赴險漢書作峻

峻

峻或省

𡵓

山之陷墮者從山從情省聲讀若相推落之墮

徒果切

山之墮墮者者字林墮山之施墮者玉篇剝崖山卑長也
釋山巒山墮郭云謂山形長狹者御覽引爾雅山狹而高
曰巒小曰墮詩般墮山喬嶽傳云墮山山之墮墮小者也

巖 尤高也從山稜聲 士限切

尤高也者當為危高玉篇
巖危高兒廣韻巖山兒也

嶠 山短高也從山厓聲 衛勿切

山短高也者廣韻嶠山高而短又云危嶠山兒
玉篇嶠特起也埤蒼嶠特立也史記崑崙然獨立

嶠 嶠高也從山嶠聲讀若厲 力制切

嶠高也者玉篇作嶠云
嶠也韻案古有嶠山氏

峯 山嵒也從山夆聲 敷容切

徐鉉
所加

巖 岸也從山巖聲 五纖切

岸也者六書故引作岸廣韻巖險也臨元年左傳制巖邑
也說文或馬注云特制巖險而不修德鄭滅之正義云鄭

連筠篠叢書

語史伯為桓公詐謀云
號叔恃勢邵仲恃險

𡵓 山巖也從山品讀若吟五咸切

山巖也者李善注江淹擬古詩引本書同又注
琴賦引字林同 從山品者徐鍇本作品聲

𡵑 不寧也從山彖聲落獲切

寧也者廣韻彖山狀靈光
殿賦作嶺集韻嶺嶸山貌

𡵒 山兒從山皇聲徂助切

山兒者靈光殿賦嵯峨
畢嵬又云歸畢穹崇

𡵓 山兒一曰山名從山告聲古到切

𡵔 山兒從山陸聲徒果切

疑與
隨同

嵯

山兒從山差聲

昨何切

山兒者玉篇嵯嵯嵯高兒又龍下云龍從嵯嵯兒廣雅嵯
峨高也楚詞招隱士山氣龍從兮斥嵯峨史記司馬相如
傳崔嵬差峩峩後漢書馮衍傳瞰太行之峩峩今注云峩峩
大貌衛恆昌黎山岳羣峩而連岡陸機從軍行崇山鬱峩
峩峩宇記音康縣乾
峨山其山四面嵯峨

嵯

嵯峨也從山我聲

五何切

嶠也從山青聲

七耕切

嶠也者玉篇嶠嶠高峻兒方言嶠高也注云嶠嶠高峻之
貌也淮南繆稱調岸嶠者必陀高注嶠嶠也漢書揚雄傳
陟西岳之嶠嶠顏注嶠嶠謂嶠嶠而嶠嶠也地有嶠嶠洲
見宋書臨川王傳或作嶠嶠廣韻嶠嶠山峻楚策上嶠山
深豁楚辭遠游下嶠嶠而無地兮史記司馬相如傳刻削
嶠嶠漢書西域傳臨嶠嶠不測之深顏注嶠嶠深險之貌
也後漢書班固傳金石嶠嶠注云嶠嶠高峻也馬衍傳觀
壺口之嶠嶠注云嶠嶠深逕貌陳紀傳將有累卵之危嶠

說文解字義登

卷二十八

七

連為義叢書

嶠之險也張協七命

嶠嶠也從山榮聲

嶠嶠也者字或作嶠廣雅嶠嶠深冥也

又作嶠漢白石神君碑陟景山登嶠嶠

谷也者玉篇嶠后谷也廣韻作𡵓

云谷名在麗山昔秦密植瓜處

嶠嶠也從山朋聲

嶠嶠也者釋名崩壞之形也詩闕宮不虧不崩箋云虧崩

皆謂毀壞也隱三年穀梁傳高曰崩范注梁山崩京房易

山壞也者釋名崩壞之形也詩闕宮不虧不崩箋云虧崩

皆謂毀壞也隱三年穀梁傳高曰崩范注梁山崩京房易

復卦傳曰上下者為崩
厥應大山之石顛而下

謝

古文從阜

𡵓

山脅道也從山弗聲

符勿切

山脅道也者謂阪上道也廣韻
峨山曲楚詞招隱士山曲峨

𡵓

山名從山攷聲

亾遇切

山名者玉篇𡵓亾刀切邱也整亾勞莫柔二切前高後平
邱名釋邱前高旄邱釋文旄字林作整詩旄邱釋文旄字
林作整云整邱也山部又有𡵓字亦云整邱亾付反又音
旄顏氏家訓書證篇柏人城東北有一孤山世俗或呼為
宣務山或呼為虛無山莫知所出余嘗為趙州佐其太原
王邵讀柏人城西門內碑碑是漢桓帝時柏人縣民為縣
令徐整所立銘曰山有𡵓𡵓王喬所仙方知此𡵓𡵓山也
𡵓字遂無所出𡵓字依諸字書即旄邱之旄也旄字字林
一音亾付反今依附俗名當音權務耳入鄴為魏收說之
收大嘉歎值其為趙州莊嚴寺碑銘因云權務之精即用

藏石楊氏聚

此也隋書禮儀志後齊所祭山川有宣務山新唐書地理志韓定辭為鎮州王銘書記聘燕帥劉仁恭劉命馬彥延接或贈詩云遂林芳草縣縣思盡日相攜手麗譙別後謹務山上望羨君時復見王喬後或答聘常山王命定辭接於公館定辭問謹務山在何處或曰此隋郡之故事何謙光而下問也

嶢 焦嶢山高兒從山堯聲 古僚切

焦嶢山高兒者字林同焦嶢壘韻玉篇嶢下云嶢嶢山高廣韻嶢嶢山危廣雅嶢嶢高也方言嶢高也注云嶢嶢高峻之貌也漢書揚雄傳泰山之高不嶢嶢則不能浮於雲而散歎烝顏注嶢嶢高兒也九域志河南府永寧縣有嶢山

嶢 山陵也從山戠聲 慈良切

嶢 九嶢山在馮翊谷口從山爰聲 子紅切

九嶢山在馮翊谷口者漢志左馮翊谷口縣九嶢山在西史記司馬相如傳九嶢嶽辭集解引漢書音義云九嶢山

在左馮翊谷口縣西顏注漢書九畎山今在醴泉縣界東
郡賦秦嶺九畎西都賦前垂秦嶺後越九畎西京賦其遠
則有九畎甘泉羽獵賦邇乃虎落三畎後漢書班固傳其
陰則冠以九畎注云九畎山北三秦記長安城西有九畎山元和
咸陽在九畎山渭水北志醴泉縣本漢谷口縣地在九畎山東九畎城也在今縣東北四
九畎山寰宇記醴泉縣谷口城漢縣城也在九畎城東北四
十里古城是也屬左馮翊九畎山高六百五十丈周迴十
五里按四夷郡國縣道記云九畎山東連仲山西當涇水
出處故謂之谷口通鑑唐高祖獵於九畎注云九畎山在
雍州醴泉縣

山

阪隅高山之節從山從巴

子結切

阪隅高山之節者劉逵注吳都賦引作阪隅兩山之節也
一切經音義七引作阪隅兩高山之節也本書阪隅兩山也
廣韻阪下云阪隅又阪下云岷岷玉篇岷下云岷岷高崖
也山石相向初學記阪隅高者曰岷符子東海有鼉焉海
中隱淪如岳其高慨天詩節彼南山傳云節高峻貌陳啓
源曰趙凡夫以詩節字爲岳之譌此有理也說文岳字注

靈戶楊氏聚

與毛傳高峻義元不相背釋文云節在切反又如字又音截凡三音其如字乃昂之音也後儒專讀為截音詩詁遂以池陽觀辭山當之誤矣從
已者徐鍇曰舉從日日亦高也



崇高也從山宗聲

鉏弓切

藝文類聚七引俗說昔傅亮北征在河中流或人問之曰潘安仁作懷舊賦前瞻太室旁眺嵩邱嵩邱太室一山何云前瞻旁眺哉亮對曰有崇邱山去太室七十里此是寫書誤耳觀案李善文選注引作小說河南郡圖經嵩邱在縣西南十五里即亮所云崇邱崇通作嵩隸變為崧詩崧高維嶽毛傳崧高兒釋山山大而高崧釋名山大而高曰嵩嵩竦也亦高也稱

崇高也者本書高崇也釋詁崇高也大射儀大侯之崇注云崇高也魯語若為小而崇韋云崇高也後漢書杜篤傳故因為述大漢之崇注云崇高盛也



大高也從山佳聲

昨回切

此字後人所加徐鍇說雇字云今俗作雇省厂也又疑義篇曰案說文有摧淮等字而無此字此當是雇字之省也

文五十三 重四



二山也凡屾之屬皆從屾

所臻切

二山也者僖三十二年左傳其北陵文王之辟風雨也注云兩山相欹故可以辟風雨



會稽山一曰九江當𡵓也民以辛壬癸甲之日嫁娶

從屾余聲虞書曰予娶𡵓山

同都切

會稽山者水經注淮水云國語曰吳伐楚墮會稽獲骨焉節專車吳子使來聘且問之客執骨而問曰敢問骨何為大仲尼曰邱聞之昔禹致羣神於會稽之山防風氏後至禹殺之其骨專車此為大也蓋邱明視承聖旨錄為實證矣又按劉向說苑辨物王肅之敘孔子二十二世孫孔猛所出先人書家語並出此事故塗山有會稽之名一曰九江當𡵓也者漢書地理志九江郡當塗縣應劭曰禹所娶塗山侯國也有禹虛輿地志當塗即夏禹所娶塗山氏

之國也晉書地理志當塗縣古塗山國續漢書郡國志九江郡當塗注云帝王世紀曰禹會諸侯塗山元和志濠州鐘離縣下云塗山在縣西九十五里又云當塗縣故城本塗山氏國在縣西南一百七十里禹娶於塗山卽此也寰宇記濠州鐘離縣漢屬九江郡塗山在縣西九十五里文字音義龔山古國名夏禹娶之今宜州當塗縣也民以辛壬癸甲之日嫁娶者徐錯曰尚書傳禹方治水以辛日娶甲日復往治水在案三日曰龔山民其先俗以辛日嫁娶亦或後人見禹之聖其後有天下因以成俗也水經淮水云又東過當塗縣北酈注云淮水自莫邪山東北逕馬頭城北魏馬頭郡治也故當塗縣之故城也呂氏春秋曰禹娶塗山氏女不以私害公自辛至甲四日復往治水故江淮之俗以辛壬癸甲爲嫁娶日也禹墟在山西南縣卽其地也虞書曰子娶龔山者益稷文彼云子創時娶于塗山楚詞天問禹之力獻功降省下土四方焉得彼龔山女而通之於台桑閔妃匹合厥身是繼胡維嗜欲不同味而快鼂飽注云言禹治水道娶者憂無繼嗣耳何特與衆人同嗜欲苟欲飽快一朝之情乎故以辛酉日娶甲子日去而有啓也呂氏春秋音初篇塗山氏之女候禹於塗山之陽乃作歌曰候人兮猗實始作爲南音周公召公取

風馬以爲周南召南史記外戚世家夏之興也以塗山索
隱帝昭云塗山國名禹所娶在今九江大戴禮云禹娶塗
山氏之女謂之女嬌生啓也夏本紀禹曰予辛壬娶塗山
癸甲生啓予不子正義云禹辛日娶至甲四日往理水及
生啓不入門我不得名予以故能成水土之功吳越春秋
禹年三十未娶行塗山恐時暮失嗣曰吾之娶也必有應
矣乃有白狐九尾而造於禹禹曰白者吾服也九尾者其
證也於是塗山人歌曰綏綏白狐九尾龐龐成於家室我
都攸昌於是娶塗山女帝王世紀禹始納塗山女合婚於
台桑有白狐九尾之瑞至是爲攸女故連山易曰禹娶塗
山之子名攸漢書古今人表女趨禹妃塗山氏女生啓史
記索隱引世本塗山氏女名女嬌史記正義引同閭若璩
曰說文所引書重枉字多約其成文如重禽字則約予創
若時娶于塗山爲予娶禽山重載字則約有大艱于西土
西土人亦不靜越茲茲爲我有
載於西非真有是句他可類推

文二

山

岸高也從山厂厂亦譬几尸之屬皆從山

五得切

岸高也者廣韻岸高山狀

厂亦聲者常為厂聲

山 𡵓 水厓而高者從山干聲

五干切

水厓而高者者小爾雅廣詁岸高也釋邱重厓岸郭云兩厓累者為岸又云望厓洒而高岸郭云厓水過洒謂深也視厓峻而水深者曰岸馥案孫炎李巡俱訓洒為隋詩新臺有酒傳云洒高峻也楚詞九章上高巖之峭岸兮峭與隋同詩岷淇則有岸皇矣誕先登於岸傳云岸高位也襄二十五年左傳牧隰皋注云隰皋水厓下溼為芻牧之地正義云詩九皋毛鄭以為澤之坎是皋為水岸也荀子勸學篇淵生珠而岸不枯注云崖岸也宥座篇三尺之岸注云岸崖也三十國春秋殷仲堪見流指於水乃接焉門前之溝忽起為岸有人通夢於仲堪曰水中之岸其名為州君將為州也通作顏顯炎武曰河渠書引洛水至商顏下服虔曰顏音崖崖當作岸漢書古今人表屠岸酈作屠顏賈是也

山 厓

高遶也從厓圭聲

五佳切

高遶也者本書隄崖也隄水隈崖也遶行垂崖也徐鍇曰
崖水過地有垠堦也無垠堦而平曰汀襄二十八年左傳
伯有廷勞於黃崖杜云黃水名莊子山木篇君其涉於江
而浮於海望之而不見其崖秋水篇涇流之大兩涘渚崖
之閒不辨牛馬通作厓釋
邱浚爲厓郭注謂水邊

厓 高也從厓佳聲 都何切

高也者李善注南都賦引作高大也或
作崔詩南山崔崔傳云崔崔高大也

肥 崩也從厓肥聲 符鄙切

崩也者集韻崩壞也通作肥列子黃帝篇口所偏肥晉國
黜之注云按說文字林並作肥又作圮皆毀也字從其省

崩 崩聲從厓配聲讀若費 蒲沒切

崩聲者五音集韻崩山侈聲 配
聲者木書圮或從手從非配省聲

文六

因广爲屋象對刺高屋之形凡广之屬皆從广讀若

儼然之儼魚儼切

洪武正韻棟頭曰广本書麻從此云人所治在屋下故謂广
卽庵字隸嫌其空故加奄變象形爲諧聲黃山谷張謙中楊
升庵謂古無庵字坐不識此广字也广變爲庵猶同變隄同
本象形隄則諧聲矣漢衡方碑有庵字廣雅庵舍也釋名舍
广也其下廣大如广受人也又云草圓屋曰蒲蒲敷也總其
上而敷下也又謂之庵庵庵也所以自覆庵也廣雅居蘇庵
也通俗文屋平曰居蘇魏畧李勝爲河南尹廳事前居蘇壞
令人治之居蘇卽蒲聲之轉拾遺記漢任末編茅爲庵或作
菴郭冲條孔明五事敕軍門臥旗息鼓不得妄出菴幔後漢
書皇甫規持節監關中兵會軍中大疫死者十三四規親入
菴廬巡視通典周武帝攻高齊兵去之後齊人謂柏菴爲帳
幔不疑兵退又周使永昌公椿屯雞枏原伐柏爲菴以立營
通作問書無逸乃或亮陰鄭本作問云問廬也論語高宗諒
問鄭注問謂因廬也喪服四制引書高宗諒問注云問讀如
鵲鵲之鵲問謂廬也尙書大傳高宗梁問鄭注問讀如鵲謂廬也

因廣為屋者趙宦光曰當是周廣為屋風鵬引作因嚴為屋馥案因就也洪武正韻引同廣韻亦同後漢書申屠蟠傳因樹為屋傅子管寧因山為廬墨子辭過篇古之民未知為宮時就陵阜而居十道志馬援征武陵蠻取壺頭山穿岸為室以避炎氣馥案武陵記山邊有石窟即馬援所穿室也魏書鄭修傳依巖結宇北史李謐傳結宇依巖憑崖鑿室韓愈詩開廊架崖廣象對刺高屋之形者刺虛達切埤蒼庵棟也玉篇庵廁也廁庵也廣雅易廬庵也

府

文書藏也從广付聲

方矩切

昭二十五年左傳公居於長府杜云長府官府名定元年傳吾視諸故府注云求故事定四年傳其載書云藏於周府可覆視也魏策手受大府之憲漢官儀宰尹下曰少府言別為小藏故曰少府韓揚天文要集離珠五星在須女北離珠為藏府也

文書藏也者一切經音義九說文府藏也三蒼府文書財物藏也風俗通府聚也公卿牧守文書財賄所聚也馥謂府不專主文書凡藏皆為府爾雅九府釋文府猶庫藏也書禹貢六府孔修金履祥曰府官府也六府水火金木土

穀之府也立政百司庶府傳云百官有司主券契藏吏論

諸魯人爲長府鄭注長府藏名也藏財貨曰府成七年左

傳因諸軍府杜云軍藏府也復九年傳使西鉏吾庀府守

杜云府六官之典襄十一年傳夫賞國之典也藏莊盟府

杜云司盟之府有賞功之制賈公彥云凡物所聚皆曰府

官人所聚曰官府在人身飲食所聚謂之六府廣雅府官

也曲禮在官言官在府言府注云官謂版圖文書之處府

謂寶藏貨賄之處也王制天子百里之內以其官注云官

謂其文書財用其言文書者周禮冢宰府六人史十有二

人注云府治藏史掌書者又宰夫五曰府掌官契以治藏

注云治藏藏文書及器物內則閭史書爲二其一藏諸闕

府其一獻諸州史州史獻諸州伯州伯命藏諸州府倍五

年左傳勲在王室藏於盟府杜云盟府司盟之官周書嘗

麥解太史乃藏之於盟府以爲歲典大衆解乃召昆吾治

而銘之金版藏府而湖之史記高祖本紀沛公入咸陽蕭

何收秦丞相府圖書趙世家簡子書而藏之府老子

列傳川守藏室之史也馥案漢書東觀爲老氏藏室注云

老子爲柱下史問方所記文書皆歸於柱下言東觀多經

籍鹽鐵論藏於紀府中論凡匹國之君其府未嘗無先王

之書也漢成帝時劉歆校祕書見府中古文春秋左氏大

好之魏志文帝紀其以此詔藏之宗廟祠在尚書祕書三
府陳矯傳車駕嘗幸至尚書門矯跪問帝曰陛下欲何之
帝曰欲案行文書耳江淹表府之延閣注云閣書府也劉
歆七畧武帝廣獻書之路百年之閱書積如邱山故外有
太常博士之職內則延閣廣內祕室之府通鑑臺軍焚燒江陵府舍官曹文書一時蕩盡

辟

天子饗飲辟靡從廣雖聲

於容切

廣韻辟靡天子教宮詩靈臺於樂辟靡傳云水旋邱知璧
曰辟靡以節觀者又泮水箋云辟靡者築土懸水之外固如
壁四方來觀者均也又振鸞于飛于彼西雍先儒謂辟靡在
西郊故曰西雍馥案王制殷人養國老於右學養庶老於左
學周人養國老於東郊養庶老於虞庠虞庠在國之西郊是
則西郊乃周之小學王制天子曰辟靡注云辟明也靡和
也所以明和天下也五經異義古春秋左氏說天子靈臺
在大廟雍之靈沼謂之辟靡韓詩說辟靡者天子之學圃如
望壘之以水示圖言辟取辟有德不言辟水言辟靡者取其
維和也所以教天下春射秋饗射事二老五更在南方七里
之內蓋以茅草取其潔清也史記封禪書天子曰明堂辟
雍集解韋昭曰水外四周圓如辟雍蓋以節觀者也封禪書
覓之澤字義登

又云淵滴有昭明天子辟池索隱云卽周天子辟雍之地故
周文王都豐武王都瀆既立靈臺則亦有辟雍耳張衡亦以
辟池爲雍也桓譚新論王者作圓池如璧形實水其中以
圖雍之名曰辟雍言其上承天地以班教令流轉王道周而
復始象璧圓又以法天子立辟雍何所以行禮樂宣德化也辟者
壁也積天下之道德也雍之言雍也雍天下之殘賊故謂之辟
雍也漢有河閼古辟雍記見張純傳禁邕月令論取其
周水圓如璧則曰辟雍又明堂論辟雍外圓內方擬王者動
作法天地圓水四周譬德廣四海也三輔黃圖文王辟雍
在長安西北四十里三輔汝鎡辟雍水四流於外象四海
也李尤辟雍銘惟王所建方中圓外清流四布蕩滌穢穢
王沈辟雍頌唐虞三代威崇辟雍養老之制也楊慎曰
辟雍非學名說文辟雍於樂辟雍之義皆合矣辟雍爲天子學名
則與詩鎬京辟雍於樂辟雍之義皆合矣辟雍爲天子學名
自王制始有此說王制漢文帝時曲儒之說而可信乎孟子
曰夏曰校殷曰序周曰庠學則三代共之使天子之學曰辟
雍爲周之制則孟子固言之矣戴君震曰詩靈臺四章於
論鼓鐘於樂辟雍傳云水旋邱如璧曰辟雍以節觀者震案
詩雍於經無明文漢初說禮者規放故事始援大雅魯頌立

說謂天子曰辟雍諸侯曰饋宮如誠學校重典不應周禮不
及之而但言成均啓宗孟于陳三代之學亦不涉乎此他
國且不聞有所謂泮宮者周鼎銘曰王在辟宮獻工錫章左
氏春秋曰鄭伯享王於闕西辟史記曰王在辟宮獻工錫章左
周曰成王作辟上宮此單言辟者也周頌曰于彼西雝傳云
雝澤也古銘識有曰王在雝上宮此單言雝者也其曰辟上
雝上則以名池名澤而作宮其上宮因承雝名也趙岐注孟
子雝宮云雝宮之名也宮有苑囿臺池之飾禽獸之饒此詩
臺臺靈沼靈囿與辟雍連稱抑亦文王之離宮乎罔燕
則游止肄樂於此不必以為太學於詩前前後後尤協矣
天子饗飲辟雍者洪武正韻辟雍說文作辟雍李縉明曰
辟雍說文作辟雍藝文類聚引作辟雍天子饗飲處也懷
案饗當為鄉說苑辟雍天子鄉飲之處宋書禮志晉武帝
太始六年帝臨辟雍行鄉飲酒之禮傳元有辟雍鄉飲酒
賦五經通義天子立辟雍者何所以行禮樂宣德化教導
天下之人使為士君子養三老事五更與諸侯行禮之處
也續漢書禮儀志明帝幸羣臣躬
養三老五更於辟雍行大射之禮

庠

禮官養老夏曰校殷曰庠周曰序從庠聲似陽

鄉射禮注云序無室序之制有堂有室也鄉飲酒義主人

也於以序

禮官養老者王制有虞氏養國老於上庠養庶老於下庠

夏后氏養國老於東序養庶老於西序殷人養國老於右

學養庶老於左序周人養國老於東膠養庶老於虞庠虞

庠云夏曰校殷曰庠周曰序者漢書公孫所食與本書同孟子夏曰校殷曰庠周曰序

廬寄也秋冬去春夏居從廣廬聲

切

寄也者小爾雅廣言同釋名寄止曰廬廬慮也取自覆慮也急就篇室宅廬舍樓殿堂顏注廬別室也一日田野之室也漢書食貨志狂野曰廬周禮遺人十里有廬注云廬若合野侯徒有房也詩信南山中田有廬箋云中田田中也農人作廬焉以便其田事公劉于時廬旅傳云廬寄也襄三十年左傳廬井有伍閔二年傳立戴公以廬於曹杜注竝云廬舍也正義云言隨宜寄舍耳管子小匡篇狄人攻衛衛人出旅於曹詩序東從渡河野處漕邑齊語衛人

出廬於曹韋云廬寄也周語國無寄寓韋云不為廬舍所以寄羈旅之客 秋冬去春夏居者一切經音義三廬別舍也釋名云寄止曰廬案黃帝為廬以違寒暑春秋去之冬夏居之故云寄止也宣十五年公羊解詁在田曰廬在邑曰里又云春夏出田秋冬入保城郭月令孟夏之月命農勉作毋休於都注引王居明堂禮毋宿於國又季秋之月乃命有司曰寒氣繆至民力不堪其皆入室王居明堂禮仲秋農隙民畢入於室楊慎曰說文廬寄舍也秋冬去春夏居蓋古者一夫五畝之宅二畝半在邑城中之與居二畝半在田野外之寄居詩云中田有廬是也

庭

宮中也從广廷聲

特丁切

易節卦不出戶庭无咎 詩抑泗掃庭內又山有樞子有庭內弗洒弗掃 周禮閭人掌婦門庭 莊子逍遙游大有徑庭

宮中也者本書序今說文字未央庭中 魏書江式傳作宮中玉篇庭堂堦前也

厠

中庭也從广厠聲

力救切

中庭也者楚祠九款刺讒賊於中庭今注云中庭堂中央也通作雷郊特牲家主中雷而國主社祭法王為羣姓立七祠諸侯為國立五祀皆有中雷注云中雷猶中室也土主中央而月令中央土其祀中雷注云中雷猶中室也土主中央而神在室古者複穴是以名室為雷雜記禋者降受爵弁服於門內雷將命玉藻頤雷正義云雷屋簷身俯故頭臨前垂頤如屋雷哀六年公羊傳至於中雷注云中

屯

樓牆也從广屯聲

徒損切

廡

廡也從广与聲周禮曰夏庑馬

五下切

廡也者庑廡聲相近廣韻庑廡也通俗文客堂曰庑一切經音義十七今言聽庑是也劉達注蜀都賦廡庑也廣雅庑舍也釋名庑正也屋之正大者也周禮曰夏庑馬者夏官圉師文注云故書庑為訪鄭司農云當為庑元謂庑廡也廡所以庇馬涼也又趣馬辨四時之居治以聽馭夫注云居謂牧庑所處疏云牧庑者放牧之處皆有庑廡以蔭馬也吳子治兵篇夫馬必安其處所冬則溫廡夏則涼廡

𡩺

堂下周屋從广無聲

文甫切

春秋內事軒轅氏以土德王天下始有堂廡東觀漢記馬援初見帝引入上柱宣德殿南廡下

堂下周屋者後漢書梁鴻傳注李善注雪賦懷舊賦引竝同一切經音義四引亦同又十七云說文堂下周屋曰廡

幽冀之人謂之房玉篇廡堂下周屋也幽冀人曰房釋名大屋曰廡廡幰也幰覆也并冀人謂之房聲類廡堂下周

屋也急就篇門戶井竈廡田京顏注廡周屋也謂幰覆之也漢書召信臣傳覆以屋廡顏注廡周室也後漢書張酺

傳可作橐蓋廡注云廡屋也侯覽傳高廡百尺注云廡廊下周屋也

廡

籀文從舞

廡

廡也從广虜啓讀若鹵

郎古切

廡也者廣韻廡廡舍玉篇廡府也廡也廣雅廡廡也通作廡戰國策蘇秦說魏襄王曰廡廡之數也

𡩺

𡩺也從广包聲

薄交切

廚也者史記司馬相如傳正義引作廚屋廣韻庖食廚也
 廣雅庖廚也王制天子諸侯無事則歲三田三日充君之
 庖注云庖今之廚也魯語以實廟庖肅云庖廚也孟子是
 以君子遠庖廚也一切經音義十七庖之言包也周禮敘
 官庖人注云庖之言苞也裹肉曰苞其疏云庖者今之廚
 轉作包者欲取庖人主六獸六禽以借庖廚有裹肉之意
 也

庖

庖屋也從广封聲

直棟切

庖屋也者一切經音義十七引木書同蒼頡篇主倉者也
 急就篇廚宰切割給使令顏注廚庖屋也陸該字林帳帳
 也似
 廚形

庫

兵車藏也從車在广下

苦故切

六書故古有庫門門旁蓋藏車故
 謂之庫門古稱廢庫車馬並言也
 兵車藏也者初學記說文曰庫兵車所藏也帑金布所藏
 也故藏之為名也謂之庫藏凡安國治民從近制遠者必

先實之故天有庫藏府之星春秋文曜鉤曰軫南辰星
曰天庫韓揚天文要集曰天積者天子藏府也馥案荆州
星占五車一名庫文曜鉤咸池曰天潢五帝車舍也宋均
注云舍庫也五帝車之庫府釋名庫舍也物所在之舍也
故齊魯謂庫曰舍也急就篇壘廩庫東箱顏注庫兵
車所藏也月令審五庫之量蔡氏章句一日車庫二曰兵
庫三曰祭器庫四曰樂器庫五曰宴器庫曲禮在庫言庫
注云庫謂車馬兵甲之處也樂記車甲峙而藏之府庫擅
弓軍有憂則素服哭於庫門之外又云所舉於晉國管庫
之士注云庫物所藏商君書湯武破桀紂海內無患遂築
五庫藏五色兵偃武也曹毗魏都賦白藏之庫戎儲攸歸
注云白藏庫在西城有屋一百七十四間爾雅秋爲白藏
因以爲名漢書蕭何立東闕前殿武庫三輔黃圖武庫蕭
何造以藏兵器呂后改庫曰靈金藏拾遺錄大上皇以寶
劍賜高祖及呂后藏於瑤庫守者兄白氣從戶中出如龍
蛇呂氏更瑤庫名曰靈舍藏及諸呂擅權白氣亦滅惠帝
卽位以此貯禁兵名曰靈舍府馥案當作靈金

庫

馬舍也從广𡗗聲周禮曰馬有二百十四匹爲廐廐

有僕夫

居又切

馬舍也者顏注急就篇廢生馬所聚也韋昭辨釋名長水校尉其廢近水故以為名詩鴛鴦乘馬在廢論語廢焚皇氏曰廢養馬之處也莊二十九年左傳春新作延廢書不時也凡馬日中而出日中而入杜云日中春秋分也治廢當以秋分因馬向入而脩之今以春作故曰不時漢舊儀天子六廢未央廢承華廢皆萬匹又云太僕牧師苑分蒼三十萬頭擇取給六廢東觀漢記漢安元年始置承華廢舍晉中興書王兄出微賤以門役送護軍府養馬諸名士齋羊酒坐廢下與兄炙羊飲酒而去周禮曰馬有二百十四匹為廢廢有僕夫者夏官校人文彼云乘馬一師四圉三乘為阜阜一趣馬三阜為繫繫一馭夫六繫為廢廢一僕夫注云鄭司農云四匹為乘元謂二耦為乘自乘至廢二百一十六匹徐鍇曰凡二百十六應乾之策此二百十四傳寫誤馥案一切經音義九亦作十四是唐本已誤玉篇廢二百六十四匹馬也六十當為十六

古文從九

馬即東之古文本書惠下云東者如東馬之
鼻釋名廐甸也甸聚也牛馬之所聚也

東
東西牆也從广子聲
徐呂切

仲尼燕居立則有序
大

戴禮曾子退負序而立

東西牆也者釋宮東西牆謂之序郭注所以序別內外畢

君以珂曰牆當作廟書顧命傳云東西牆謂之序正義曰

釋宮文彼作東西廂此變言之也馥案古詩鳴鶴散立東

西廂顏注急就篇東廂東序之屋也鄭注禮亦作牆上冠

禮主人玄端爵立於阼階下直東序西面大射儀賓升

立於西序鄉飲酒禮主人坐奠爵於序端燕禮賓升立於

序內注拉云東

西牆謂之序

辟
牆也從广辟聲
北微切

牆也者徐鍇韻譜辟辟廡謂之辟所謂辟廡通作辟

戴延之西征記洛陽南有平昌門道東辟廡牆去靈臺三

里莊二十一年左傳鄭伯享王於闕西辟昭二十五年公

羊傳以人為脩何云晉周埒垣也所以分別內外衛威儀

記之序二卷全
卷之二
三
連同家義景

今大學碑雍作側字疏云猶言周市爲

廣

殿之大屋也從广黃聲

古晃切

殿之大屋也者廣雅廣大也孟子居天下之廣居檀弓見
若覆夏屋者矣注云今之門廡旁廣而卑漢書王吉傳夫
廣夏之下顏注廣夏大屋也僖二十八年左傳西廣東宮
杜云楚有左右廣又太子有宮甲頽謂廣者初爲大屋以
藏甲後因以表兵如庫藏兵車也本書堂殿也御覽引云
殿堂之高者也釋名殿有殿鄂也漢書霍光傳賜數鳴
殿前樹上顏注古者室屋高大則通呼爲殿耳非止天子
宮中黃霸傳丞相請與中二千石博士雜問郡國上計長
吏守丞爲民興利除害者爲一輩先上殿顏注殿丞相所
坐屋也後漢書蔡茂傳夢坐大殿注云屋之大者古通呼
爲殿也魏志張遼傳爲起第舍又特爲遼母作殿葉大慶
攷古質疑嘗攷許慎說文殿堂之高大者也唐徐堅初學
記引蒼頡篇曰殿大堂也商周以前其名不載史記始皇
紀始曰作前殿石林燕語謂初未有稱殿皆起於秦者其
本於堅之所記而云乎大慶續見高承事物紀原云禮記
與白虎通俱曰天子之堂史記秦始皇作朝宮渭南宮先

作前殿阿房商君書有言天子之殿則是秦自孝公已然矣蓋秦始皇曰殿也大慶亦嘗攷之通鑑外紀晉平公布檠禁於殿下師曠刺足目五鼎之具不當烹蒸藿人主堂殿不當生檠檠齊景公怒有罪者縛至置殿下說苑齊大旱晏子曰君誠遜宮殿暴露與靈山河伯其憂其幸而雨乎又云晉平公為馳逐之車立之於殿下又魏文侯御原災支族素服遊正殿戰國策要離之刺慶忌也蒼華擊于殿上家語楚王將游荆臺司馬期諫王怒之令尹子西賀於殿下又齊有一足鳥下止於殿前景公使問孔子孔子曰此鳥名商羊水祥也又史記優孟傳楚莊王欲以棺柳莽馬優孟人殿門仰天大哭諸書殿之名已見於春秋戰國不始於秦也況六韜五將篇太公曰凡國有難君避正殿此其來也遠矣然則徐堅石林燕語高承皆謂起於秦者其然豈其然乎

會

芻橐之藏從广會聲

古外切

芻橐之藏者後漢書蘇不韋傳注引同顏注急就篇橐橐橐所居也廣雅橐倉也韓非內儲說昭奚恤之用則也有橐倉橐倉者而不知其人昭奚恤令吏執販茅者而問之果橐也史記平準書虛郡國倉橐以販貧民趙世家邯鄲

唐燒索隱云府積芻藁之處天官書胃為天倉其南眾星
日府積正義云芻藁六星在天苑西主積藁草者漢書音
義如淳曰芻藁積為府也晉書天文志天廩四星一曰天
府唐高宗征討四夷京師養廢馬萬匹帑府寢虛
肅宗至平涼朔方留後杜鴻漸條上士馬倉府

水

水槽倉也從广與聲一曰倉無屋者切以主

水槽倉也者集韻引作漕復古編亦誤作槽廣雅廩倉也
魏都賦京庾流衍五臣云庾倉也漢書文帝紀發倉庾應
劭曰水漕倉曰庾胡公曰在邑曰倉在野曰庾續漢書百
官志太倉令主受郡國轉漕穀一曰倉無屋者者三蒼
解詁庾倉無屋也釋名庾裕也言盈裕也露積之言也盈
裕不可勝受所以露積之也詩甫田曾孫之庾箋云庾露
積穀也楚茨我庾維億傳云露積曰庾正義云甫田言曾
孫之稼如茨如梁此聚稼也又曰曾孫之庾如坻如京是
積粟也下言乃求千斯倉乃求萬斯箱欲以萬箱載稼上
倉納庾是庾未入倉矣故曰露積言露地積聚之九章第
術平地委粟是也周語野有庾積韋云露積穀也止倪子
內經野無積庾廩糧則不屬漢官儀太倉之粟充溢露積

辟

蔽也從广并聲

必郢切

蔽也者李善注謂簾賦引同廣韻辟臨辟也無人處字統云廁廣雅辟廁也通作屏急就篇屏廁清濁糞土壤顛計屏僻宴之名也屏廁清濁其實一耳思元賦坐大陰之屏室今李善曰說文曰屏蔽也屏與屏古字通

廁

清也從广則聲

初吏切

王篇元部選云古文廁十五年傳迫孔惺於廁史記李斯見吏舍廁中鼠食不潔漢書朱虛侯殺呂產於郎中府吏廁易林腫脰病腹陷廁汚辱管書王戎偽藥發墮廁周景式孝子傳管寧經海遇風思惟無營念嘗如廁不冠襄陽記劉季和上廁從香烟上過洛陽要記陳苑盛其居止廁上束湯盥手槐板覆蔽糞穴為都城第一輟耕錄今寺觀削木為簾置洞固中名曰廁籌此史齊文宣王嗜酒淫泆肆行狂暴雖以楊愔為相使進廁籌然則情所進者豈即此以接說文廁清也從廣則營廣韻初吏切閤也箱也次也閤也居高臨垂邊曰廁高岸夾水曰廁史記太倉公傳豎奉劍從王之廁沃盥傳衛青大將軍侍中上踞廁見之注如淳曰廁首則謂牀邊據牀說文解字義卷二十八

視之一云廁廁也廁沐邊側漢書注如淳曰廁溺也孟康曰廁邊側也師占曰如說是也仲馮曰廁當從孟說愚意古者見大臣則御坐為起夫武帝固以奴隸待青亦不應踞溺固而見之然漢文居灞北臨廁使慎夫人鼓瑟注韋昭曰高岸夾水為廁即此推之則凡廁者皆取其兩物以為義又邳都傳賈姬如廁有野彘入廁命都擊之則此之如廁亦恐非是溺固他如劉安別傳謫守都廁三年莊子庚桑篇適其偃淫假屏廁也屏廁則以假淩侯禮既夕禮甸人築坎隸人溫廁寒廁萬石君傳建取親中栳廁踰身自潑洒注孟康曰廁行請踰行中受糞面也至於晉侯倉麥脹如廁陷而卒趙襄子如廁執豫讓高祖鴻門會如廁召樊噲等及如廁見柏人金日磾如廁擒莽何羅范曄作成置廁中李斯如廁見鼠陶侃如廁見朱衣王敦如廁食棗劉寔誤入石崇廁郭璞被髮廁上劉季和廁上置香鑑沈慶之夢鹵簿入廁中崔浩焚經投廁中錢義廁神李赤廁鬼廁噴盟孔惺於廁曹植戒密頂人廁之類則真溺固矣馥案曹毗戒張頤不宜露頂入廁此云曹植誤也

清也者廣韻引作固也五音集韻同六書故說文曰廁清也今人作固玉篇固溺也字林固七情反廣雅固圉府廁

也皆廁之別名也釋名廁言人難在上非一也或曰廁言
溷濁也或曰固至穢之處宜常修治使潔清也或曰軒前
有伏似殿軒也急就篇屏廁清溷糞上壤顏注廁之言側
也亦謂僻側也清言其處特異餘所常當加潔清也八十
一難經平人日再至固馬融尚書注清潔也思元賦澄澳
忍而為清舊注清靜也宣三年公羊傳蒼帝牲三年之處
謂之滌何休云滌者取其蕩滌潔清周禮凌人秋刷注云
刷清也秋涼冰不用可以清除其室王府注云褻器清器
虎子之屬漢書武五子傳廁中豕羣出壞大官鼂顏注廁
豕豕困也和譚新論博士弟子譚生居東寺連三夜有惡
夢以問人教以晨起清中說之風俗通義魯相右扶風臧
仲英孫女年三四歲必之來之不能得二三日乃於清中
糞下啼通鑑隋文帝曰我為下
利昨夜欲近廁注云廁固也

廁土

一畝半一家之居從广里八土

直連切

一畝半一家之居者廣韻引作一畝半也一家之居也案
一畝半常為二畝半宜十五年穀梁傳古者二百步為里
名曰井田井田者九百畝公田居一注云出除公田八十
畝餘八百二十畝故井田之法八家共一井八百畝餘二

張氏

十畝家各二畝半為廬舍公羊解詁聖人制井田之法而
口分之一夫一婦受田百畝公田十畝廬舍二畝半凡為
田一頃十二畝半八家而井田方里為一井廣三百步
外傳占者八家而井田方里為一井廣三百步長三百步
為一里其田九百畝廣一步長百步為一畝廣百步長百
步為百畝八家為隣家得百畝餘夫各得二十五畝家為
公田十畝餘二十畝共為廬舍各得二畝半廣雅廬居也
方言廬居也東齊海岱之間或曰廬或曰踐注云周官云
夫一廬宅也周禮遂人夫一廬田百畝注云廬城邑之居
孟子所云五畝之宅樹之以桑廬者也廬人注云廬民居
區域之稱載師以廬里任國中之地注云廬民居之區域
也孟子頗受一廬而為畝又云廬無夫里之布則天下之
民皆悅而願為之畝矣詩伐檀胡取禾三百廬兮傳云一
夫之居曰廬釋文古者一夫田百畝別受都邑五畝之地
居之故孟子云五畝之宅是也通作壇鄭注廬人云故書
廬為壇杜子春讀壇為廬或作廩漢書揚雄傳有田一廩
從廣里八土者何休注宜十五年公羊傳說井田之義
制云一里八十戶八家共一巷馥謂此從里八土之義

庀

屋牝瓦下一曰維綱也從廣閔省聲讀若環

戶關切

屋北瓦下者所謂屋椽也急就篇板枅所產谷口斜顏注
板謂木瓦也枅屋椽也亦謂之簣王氏補注爾雅屋上薄
謂之筵注屋椽椽六書故椽上必設竿然後安瓦今人謂
之椽集韻鏤鏤也機屋椽板木書竿在瓦之下勢之上王
篇版北瓦甌甌牡瓦九章辨術今有一人三日為牡瓦三
十八枚一人二日為牡瓦七十六枚戴侗曰牡瓦仰蓋者
也仰瓦受覆瓦流所謂瓦溝也一日維綱也者本書綱
持綱紐也聲義相近閱省聲者當從戈聲後人以環戈
音異改為閱省
聲說見閱下

𡩂

屋階中會也從广𡩂聲

倉紅切

屋階中會也者徐鍇曰階東西階也會者其中階相向處

𡩂

廣也從广侈聲春秋國語曰俠溝而𡩂我

尺氏切

廣也者廣當為廡木書廡闊也廣雅廡大也春秋國語
曰俠溝而𡩂我者吳語齊宋徐夷曰吳既敗矣將來溝而
𡩂我我無生命矣
注云旁擊曰𡩂

廉

灰也從广兼聲

力兼切

廉校也書皋陶謨簡而廉傳云有廉隅顧命夾兩階彤傳云堂廉曰彤正義云廉者校也所立托堂下近於堂校詩抑維德之隅傳云隅廉也鄉飲酒禮設席於堂廉注云側邊曰廉儒行巡鵬廉隅樂記廉以立志注云廉廉隅也韓詩外傳其廉不可測也漢書賈誼傳廉遠地則堂高顏注廉側隅也揚雄自敘不修廉隅以微名當世晉令鞭用牛皮生革去四廉

廉

開張屋也從广秝聲濟陰有底縣

宅加切

集韻秝漢侯國名在成武通作秝秝縣名在濟陰漢書功臣表秝侯商邱成史記建元以來侯者年表亦作秝或作垞輿地志垞古嵩國王維詩有南垞北垞

開張屋也者開張卽席張本書席卻屋也濟陰有底縣者漢書地理志作秝通鑑魏尉元軍于秝注云秝縣漢屬濟陰郡後漢省其地當在唐曹州界

龍

高屋也從广龍聲

薄江切

高屋也者顏注急就篇龐者高屋之名龐氏之先賁產殷富好為室屋鄉黨榮慕謂之龐家遂以立氏通作櫛廣雅櫛室也

氏

山居也一曰下也從广氏聲

都禮切

一曰下也者本書下底也易困卦困于株木王肅注謂最處底下也釋器邱謂之柢郭云根柢皆物之邱邱即底通也

𡩂

𡩂止也從广至聲

陟栗切

𡩂止也者易訟卦有孚窒馬讀為躓猶止也廣韻躓𡩂也本書憲𡩂不行也從夷引而止之也文選七發發怒庠胥注云言初發怒𡩂止而涌沸漢有盤座縣元和志山曲曰盤水曲曰庠釋詁底待也郭云底止也止亦待也昭元年左傳勿使有所雍閉湫底注云底滯也晉語戾久將底底猶滯淫

𡩊

安止也從广嬰聲鉅鹿有廐陶縣

於鄂切

鉅鹿有廐陶縣者見漢志廣韻廐陶縣名在趙州

𡩊

舍也從广友聲詩曰召伯所庾

蒲撥切

舍也者詩釋文引作草舍也玉篇庾草舍也通作友劉芳詩義疏友草舍也又通作拔傳十五年左傳反首拔舍杜注拔草舍止詩曰召伯所庾者召南甘棠文彼作友傳云友草舍也正義云周禮仲夏教友舍注云舍草止也軍有草止之法然則友者草也草中止舍故云友舍

𡩊

中伏舍從广卑聲一曰屋庫或讀若逋

便俾切

一曰屋庫者玉篇庫卑下屋也襄三十一年左傳宮室卑庫通作卑漢書五行志塞卑墮下

𡩊

蔭也從广比聲

必至切

蔭也者釋言文舍人曰庇蔽也孫炎曰庇覆之陰也玉篇庇覆蔭也一切經音義九通俗文自蔽曰庇淮南人間訓

蔭陽人於櫪下考工記輪人弓長六尺謂之庇軹表記雖有庇民之大德鄭注並云庇覆也文七年左傳公族公室之枝葉也若去之則本根無所庇廕矣襄三十一年傳大官大邑身之所庇也晉語若君實庇廕膏澤之周語川足則族可以庇韋云庇覆也宗族可以覆廕字或作庇襄八年左傳以待彌首而庇民焉

庇

屋下衆也從广茆茆古文光字

商署切

屋下衆也者木書品衆庶也森從冊冊數之積也與庶同意釋詁庶衆也堯典庶績咸熙史記作衆功皆與禹貢庶土交正鄭本作衆土皋陶謨庶民勵翼鄭云庶衆也詩天保以莫不庶傳云庶衆也抑庶人之思錙鳴無庶于子憎生民庶無罪梅小明我事孔庶箋並云庶衆也靈臺庶民子來箋云衆民各以子成父事而來攻之論語庶矣哉孔注庶衆也言衛人衆多論衡藝增篇尙書曰毋曠庶官庶衆也西都賦於是旣庶且富五臣注庶衆也書桃充也庶亦充滿意

庶

儲置屋下也從广寺啓

直里切

通多籍書

儲置屋下也者本書儲儲也儲待也詩臣工序乃錢傳
云乃具也通作時釋詁時具也書費費時乃芻芢又時乃
植幹詩崧高以峙其糧又通作時後漢書章帝
紀所經道上郡縣無得設儲時注云時具也

𡩊

行屋也從广異聲

與賦切

行屋也者字或作𡩊廣雅𡩊帳也釋名小幕曰𡩊張在人
上帝𡩊然也周禮幕人設重𡩊注云重𡩊復𡩊也鄭司農
帳也云𡩊平

𡩊

屋麗𡩊也從广婁聲一曰種也

洛侯切

屋麗𡩊也者本書兩下云麗爾猶麗麗也問下云窗麗麗
婁闔明徐錯曰麗麗猶玲瓏也通明之象玉篇麗下云麗
婁綺窻通作婁孟子離婁即麗𡩊又通作樓長門賦離樓
梧而相倚顏注急就篇樓謂重屋離樓然也又婁者疏目
之麗亦言其孔樓樓然也釋名樓謂麗戶之闕有射孔婁
婁然也一口樓也者謂種𡩊也本書按云種樓也崔
寔云漢趙過教民耕殖其法三犁共
一牛一人將之下種挽樓皆取備焉

𡩂

屋從上傾下也從广佳聲

都回切

屋從上傾下也者玉篇廉廉也

𡩃

屋頓也從广發聲

方肺切

屋頓也者定三年左傳邾子自投於牀廢於鑑炭注云廢墮也

𡩄

久屋朽木從广西聲周禮曰牛夜鳴則廄臭如朽木

與久切

久屋朽木者月令孟春之月其臭穢注云木之味臭也列子饗香以爲朽周禮曰牛夜鳴則廄者天官內饗文臭如朽木者許公解說之文鄭司農云廄朽木臭也內則牛夜鳴則廄注云惡臭也

𡩅

少劣之居從广革聲

五斤切

少劣之居者木書婁無禮居也廣韻廉小屋漢書董仲舒傳廉能勿失賈誼傳其次廉得舍人顏注廉與僅同劣也

通作僅桓三年公羊傳僅有年也注云僅猶劣也僅十六年傳僅逮是月也注云劣及是月也又通作革廣雅董少也漢書地理志豫章出黃金然革物之所有

廟

尊先祖兒也從广朝聲

廟召切

書堯典受終于文祖王肅注文祖廟名上喪禮亟止於廟門外注云凡宮有鬼神曰廟曾子問大廟火注云大廟始祖廟一切經音義十四韓詩鬼神所居曰廟漢舊儀廟者所以藏主齊職儀周有守禮之官掌先王之宗廟也

南明錄廟方四丈不作廟

尊先祖兒也者木書祖始廟也廣雅廟見也釋名廟貌也先祖形貌所托也祭法設廟祫壇墀而祭之注云廟之言貌也宗廟者先祖之尊貌也孝經為之宗廟以鬼享之舊注云宗尊也廟貌也視雖込沒事之若生為立宮室四時祭之若見鬼神之容貌孝經援神契廟者所以尊祖也荀子禮論篇疏房榱貌注云貌廟也尚書大傳廟者貌也白虎通廟者貌也象先祖之尊貌也所以有屋何所以象生之居也詩清廟箋云廟之言貌也成者精神不可得而見

但以生時之居立宮室象貌爲之百服注左傳云明堂祖廟五經異義明堂盛兒也桓二年公羊解詁廟之爲言貌也思想儀貌而事之故曰齋之思其居處思其笑語思其志意思其所樂思其所嗜祭之日入室僂然必有見乎其位周旋出入肅然必有聞乎其容啓出戶而聽慨然必有聞乎其嘆息之聲孝子之至也三輔黃圖宗廟宗尊也廟貌也所以髣髴先人尊貌也蔡邕月令論取其宗祀之貌則曰清廟取其正室之貌則曰太廟魏氏春秋夫諡以表行廟以存容王嬰古今通論

𡩺

古文

士冠禮筮于廟門釋文廟古廟字詩清廟釋文廟本又作廟古今字也孝經釋文廟本或作廟

𡩺

人相依庑也從广且聲

子余切

人相依庑也者通作祖釋詁祖存也

𡩺

屋迫也從广易聲

於敬切

𡩺

卻屋也從广市聲昌石切

卻屋也者廣韻引作卻行也一切經音義二十二引作卻屋也趙宦光長箋引同或作斥漢書東方朔傳斥而營之顏注斥却也思元賦斥西施而弗御兮舊注斥却也昭十六年左傳大國之來無禮以斥之何歷之有馥案斥謂卻之也史記淮南王傳王使郎中令斥免注云斥斥荀子榮辱篇恭儉者偃五兵也注云偃當為屏卻也

𡩺

陳輿服於庭也從广欽聲讀若歆許今切

陳輿服於庭也者周禮司裘大喪廡裘飾皮車注云皮車遺車之革路故書廡為淫鄭司農云淫裘陳裘也司服大喪共其廡衣服注云故書廡為淫鄭司農云淫讀為廡廡陳也大師大喪帥瞽而廡作匱謚注云故書廡為淫鄭司農云淫陳也陳其生時行迹為作謚司兵大喪廡五兵注云故書廡為淫鄭司農云淫陳也淫讀為廡圉人凡賓客喪紀牽馬而人陳廡馬亦如之

𡩺

空虚也從广膠聲洛蕭切

復古編廖郭廖從广廖郭從雨郭別

作寥廓非 洪武正韻廖廓閑朗貌
空虛也者五音集韻廖空中虛兒字或作廖楚辭九辨汶
寥兮天高而氣清又作寥坤蒼寂寥無人也釋名疏寥也
寥寥然也楚辭遠游上寥廓而無天司馬相如難蜀父老
文猶鵠鵬已翔乎寥廓之宇李善云空廓寥寥也陸機歎
逝賦或寥廓而僅半
謝朓詩寥廓已高翔

文四十九 重三

山石之厓巖人可居象形凡厂之屬皆從厂呼旱切

山石之厓巖人可居者本書
广因厂為屋廣雅斥厓也

𠩺 籀文從干

圭 山過也從厂圭聲五佳切

山過也者本書陳厓也廣雅陳厓方也
御覽引本書巖者厓也山過謂之厓

𡵓

厓厓山頭也從厂垂聲

婢宜切

厓厓山頭也者釋山山頂家孫炎曰謂山顛也又峯者厓厓郭注謂山峯頭巖巖詩十月山家峯崩傳云山頂曰家箋云峯者崔嵬釋文崔祖回反爾雅作厓五規反厓才規反嵬五回反爾雅作厓五規反

義

厓厓也從厂義聲

魚為切

𡵓

𡵓也一日地名從厂𡵓聲

魚音切

峯也者般峯聲相近玉篇般山丘下五音集韻峯版山崖狀也一日地名者倍三十三年穀梁傳巖陰之下馥謂

峯即嚴

𡵓

厓出泉也從厂𡵓聲讀若軌

居海切

厓出泉也者韻會略下云爾雅水醴曰𡵓注謂水醴盡也禮韻舊注泉厓出誤汎下云厓出泉也爾雅汎泉穴出注厓出也從𡵓出也禮韻舊注水厓土誤案說文𡵓字注厓出泉也汎字注水厓土徐鍇曰案爾雅汎泉穴出作此汎

字水醢曰磨作此磨字以明說文舊注之交迂也舊韻承
用說文舊注今依徐說以爾雅釋文互正之腹案詩大東
有洌洌泉傳云側出曰洌泉釋名側出曰洌泉洌軌也流
狹而長如車軌也此皆借洌為洌洌洌洌洌洌洌洌洌洌
憲傳譬諸洌洌洌洌洌洌洌洌洌洌洌洌洌洌洌洌洌洌洌洌
濫泉醢謂爾雅之洌泉本是洌泉亦側出猶漿泉亦側出
也爾雅水醢曰磨者後人既誤讀洌泉為洌泉
不得不改水醢之洌為磨矣此互誤之原委也

氏 柔石也從厂氏聲 切

柔石也者廣雅砥礪也曹憲注砥細於礪礪名脂砥也著
面柔滑如砥石也急就篇治禮掌故砥磨身顏注細石曰
砥禹貢礪砥磐升傳云砥細於礪皆磨石也正義云鄭云
礪磨刀刃石也精者曰砥穀梁傳天子之梅斲之磐之加
密石焉范注以細石磨之晉語斲其椽而磨之加密石焉
韋云密密理石謂砥也先粗磨之加以密密磨之加密石焉
砥劍鮑云砥砥同礪也兩山經苔水其中多砥礪注云磨
石也精為砥礪為礪也秦詛楚文飾甲砥兵尸子夫昆吾
之金而鍊父之鐵使于越之王鑄之以為劍而弗加砥礪
則以刺不入以擊不斷磨之以煎礪加之黃砥則刺也

無前擊也無下孔叢雜訓篇屈必由砥所以致其力也尚
 書大傳其柄天子斲其材而煎之加密石焉注云密石砥
 之也淮南地形訓黑水宜砥說林訓鏹邪斷割砥礪之力
 說山訓厲利劍者必以柔砥漢書梅福傳故爵祿東帛者
 天下之砥石高祖所以厲世摩鈍也顏注砥細石也王褒
 傳越砥斂其罟晉灼曰砥石出南昌故曰越也王尊傳砥
 節首公顏注砥礪也詩苑砥礪之方多頑鈍又云晉人已
 勝智氏歸而繕甲砥兵鹽鐵論砥所以致於力張協劍銘
 淬以清波礪以越砥李九金馬書刀銘礪以越砥

砥

砥或從石

發

發石也從厂歛聲

俱月切

發石也者本書礪從此云角有所觸發也廣韻
 作礪云發石漢律有礪張士璠發石張挽強

早

早石也從厂薑省聲

力制切

早石也者一切經音義二厲磨石也砥細於厲皆可以磨
 刀刃急就篇治禮掌故砥厲身顏注黑石曰厲詩公劉版

購取鍛箋云取鍛厲斧斤之石可以利器傳三十三年左
傳則束載厲兵秣馬矣哀十六年傳勝自厲劍秦策綴甲
厲兵高云厲利也利其兵器史記梁孝王世家枯先生補
日視其劍新治問長安中創厲工工日梁郎某子來治此
劍韓詩外傳劍雖利不厲不斷漢書枚乘傳磨磨厲顏
注底柔石也厲旱后也皆可以磨者蕭望之傳底厲鋒
顏注底柔石厲旱后梅福傳引論語必先厲其器蕪城賦
飢磨厲吻李善曰厲摩也或作厲王篇厲下云崦嵫厲
可磨刃廣雅厲磨也詩公劉釋文厲本又作厲書費誓
乃鋒刃傳云磨厲鋒刃說命若金用汝作厲傳云鐵須磨
以成利器中山經陰山多厲石注云厲石中磨者荀子
勸學篇金就厲則利韓非內儲說左厲厲刀利猶下將也
說苑建木篇厲可以致刃也鹽鐵論於越之挺不厲匹夫
賤之廣志厲石出首陽山有紫白彩色出南昌者最善今
武庫有數枚治御刀金履祥曰厲石今鄧石是也元和鄧
縣志肅州貢厲石 舊省磬者本書螭從虫萬聲力制切
此厲本從螭
當作螭省聲

或省

雙麟為黃非從也漢郭旻碑策書卷履是也校
官碑初庶清肅劉熊碑賞進庶頑變從黃隸省也

𠩺

𠩺諸治玉石也從厂僉聲讀若籃

切

廣雅𠩺諸治玉石也者或作𠩺𠩺治金淮南云待𠩺𠩺而或作𠩺

謂之𠩺𠩺𠩺𠩺治玉𠩺𠩺治金淮南云待𠩺𠩺而或作𠩺

也廣雅𠩺𠩺𠩺𠩺治玉𠩺𠩺治金淮南云待𠩺𠩺而或作𠩺

廣雅𠩺𠩺𠩺𠩺治玉𠩺𠩺治金淮南云待𠩺𠩺而或作𠩺

形𠩺諸之功說林訓𠩺𠩺𠩺𠩺治玉堅無敵錢以為𠩺首尾成

之石魏文帝典論造百辟寶劍以清漳厲以𠩺諸治玉

𠩺𠩺青𠩺𠩺也曹植寶刀賦𠩺以五方之石𠩺以中黃之

壞劉氏新論慎言篇斯言一玷非𠩺𠩺所磨通作斂易林

斂諸攻玉讀若籃者淮南說山訓玉待𠩺諸而或器高

云𠩺諸攻玉之石𠩺音藍又注說林訓云𠩺一讀曰廉

𠩺

治也從厂𠩺聲

切

治也者本書磨從𠩺
麻調也麻當作𠩺

𠩺

石利也從厂異聲讀若臬

音里切

𠩺

美石也從厂古聲

侯古切

𠩻

唐犀石也從厂犀省聲

杜兮切

唐犀石也者玉篇犀古銚字本書鐺下云鐺銚火齊漢志犀奚縣孟康音題

𠩼

石磬也從厂立聲

盧谷切

𠩽

石地惡也從厂兒聲

丘歷切

石地惡也者集韻𠩽𠩽石地

𠩾

石地也從厂金聲讀若紕

丘今切

字或作𠩾左傳魯有費𠩾父

𠩿

石陽見從厂甫聲讀若敷

芳無切



石陽見者玉篇𠩿石文見也五音集韻𠩿石文見兒

岸

岸上見也從厂從止省讀若躍

以灼切

廣韻岸下云大岸岸兒岸魚恨切集韻岸下云逆約切岸岸大岸兒岸即岸之俗體

從止省者徐鍇本作止從止省聲護案此諸聲字也當從出省聲出篆作與止形近易誤岸上見也說文作之證徐鉉削去聲字因出聲不相近也

夾

屏也從厂夾聲

胡甲切

屏也者本書陝隘也

𠂔

側傾也從人𠂔下

阻力切

側傾也者本書傾仄也傾仄也廣雅仄陋也書洪範無反無側馬注側傾側也考工記車人行山者仄轆注云故書仄為側鄭司農云側當為仄論語孟之反即左傳孟之側成十六年春秋公子側即子反慧遠廬山記高崖仄宇漢書五行志昌邑王賀遣中大夫之長安多治仄注冠頤注言形側立而下注也

𠂔

籀文從𠂔𠂔亦聲

𠂔

反也從𠂔𠂔聲

晉擊切

反也者小字本作𠂔玉篇廣韻同廣雅𠂔幽也通作𠂔曲禮𠂔𠂔詔之注云謂傾頭與語也徐鉉曰春秋左傳𠂔𠂔在夷當作此𠂔字韻謂𠂔𠂔𠂔即堯典側𠂔

𠂔

隱也從𠂔𠂔非聲

扶沸切

隱也者釋言文士虞禮凡在南𠂔用席注云𠂔隱也于𠂔隱之處從其幽闇特牲饋食禮𠂔用筵注云𠂔隱也張大記何人取徹廟之西北𠂔薪用爨之正義引熊氏云𠂔謂西北隅𠂔隱之處東京賦𠂔司樞五臣注𠂔隱也或作𠂔楚詞九歌隱思君兮𠂔側

𠂔

𠂔也從𠂔𠂔狀𠂔一日合也

於輒切又玳切

𠂔也者本書鎮博陸也歷當為𠂔𠂔周禮中車𠂔翟注云次其羽使相迫也漢書劉向傳抑𠂔遂退顏注𠂔謂不伸也



魚毀

切

一曰屋栒也秦謂之桷齊謂之杙者本書栒櫨也櫨栒也櫨栒也櫨秦名爲屋椽周謂之榱齊魯謂之桷馥案屋栒謂櫨櫨與栒異物此云秦謂之桷桷當爲栒類篇予余廉切櫨也通作危春秋後語魏人將殽范痤登危而說

文二十七

重四